

蘇州府志


蘇州府志
卷之五十三

卷之五十三 人物七	卷之五十四 人物八	卷之五十五 人物九
--------------	--------------	--------------

漢書門	九〇八三	架函號類
	一〇四三	
	三二	

廿二

庫	元	二	函	三	架	冊	七
內閣文庫							
番號	漢	9083					
冊數	32 (22)						
函號	292	13					



蘇州府志卷第五十三

人物七

吳縣

淺草文庫

明

黃暉字日昇蘇衛舍餘舉弘治庚戌進士授工部主事疏渠通

漕考最遷刑部郎中治畿內獄用法平恕兵部尚書馬文升

舉暉按邊吏失事者神木知縣某密致銀三千兩暉拒之卒



當其罪主將論死忤權貴引疾歸暉性敢決不媿阿取容博

綜古今持論若懸河聽者皆竦所著有蓬窻類紀

楊循吉劉鳳傳合纂

楊昇字起同弘治癸丑進士選庶吉士授戶科給事中有大臣

以罪斥黃緣再進昇疏劾之武岡知州劉遜被逮言官申救



者悉下獄昇預焉已得釋又條上肅朝綱嚴宮禁等十事反覆萬餘言丁父憂服闋補禮科覈視遼陽邊儲斥不法者數十人母喪歸卒子伊志嘉靖壬辰進士歷官右副都御史提督南贛亦著聲績

吳一鵬誌

朱希周字懋忠崑山人徙吳縣高祖吉戶科給事中父文雲南按察副使希周舉弘治九年進士擢第一授修撰進侍講劉瑾摘修會典小疵降修撰孝宗實錄成復官久之進侍讀學士擢南京吏部右侍郎閱五年召爲禮部右侍郎時方議大禮數偕其長爭執會左侍郎吳一鵬奉使安陸尙書席書未至希周獨理部事是時張璁桂萼已召至益交章請去本生

之號帝悅從之趣禮官具上冊儀希周率郎中余才汪必東等疏諫曰陛下考孝宗母昭聖三年矣而更定之論忽從中出則明詔爲虛文不足信天下祭告爲瀆禮何以感神祇且本生非貶詞也不妨正統而親之義寓焉何嫌於此而必欲去之以滋天下之議時羣臣諫者甚衆疏皆留中遂相率詣左順門跪伏希周走告諸閣臣曰羣臣伏闕公等能坐視乎亦偕羣臣跪伏以請帝聞大怒命希周與何孟春等俱待罪而盡繫庶僚於詔獄明日上章聖皇太后冊文希周及尙書秦金金獻民趙鑑趙璜侍郎何孟春都御史王時中大理少卿張縉徐文華俱不赴帝怒責陳狀希周等伏罪復嚴旨譙

責乃已大禮遂自此定矣明年由左侍郎遷南京吏部尚書
 嘉靖六年大計京官南六科無黜者桂萼素以議禮嗾希周
 且惡兩京言官嘗劾已因言希周畏勢曲庇希周言南京六
 科止七人實無可去者臣以言路私之固不可如避言路嫌
 誅責之尤不可且使舉曹皆賢必去一二人示公設舉曹皆
 不肖亦但去一二人塞責乎因力稱疾乞休溫旨許之仍敕
 有司歲給夫廩林居三十年中外論薦者三十餘疏竟不復
 起性恭謹不妄取予卒年八十有四贈太子少保瀕歿屬諸
 子曰他日倘蒙易名典勿犯吾家諱乃避文諡恭靖明史
 史經字引之南濠人成化庚子以儒士領鄉薦五試禮部中乙

榜者三不屑受教職久之授隨州知州隨多山賊嘯聚經集
 壯勇設方畧剋日殄滅大吏才之檄署府事以勸農興學為
 首務教民讀法考較生徒翔書院購經史諸書藏學宮以資
 諸生誦讀後隨士連發解科名不絕劉瑾擅權繩責守令甚
 急巡撫卽其黨也有求於經經弗應遂拂衣歸年七十卒陳
志

陳霽字子雨弘治丙辰進士選庶吉士授編修進侍講當逆瑾
 橫恣人無敢忤霽獨正議折之瑾恨遂勒停家居瑾誅起侍
 講學士掌南京翰林院陞國子祭酒臨以莊敬不詭隨嘗出
 語為司業所指斥亟致仕歸王執禮傳

嚴經字道卿東洞庭人弘治丙辰進士授南京刑部主事進員外郎中裁決如流尚書張敷華亟稱之擢知吉安府丁憂歸補彰德頻歲荒旱民多流亡經虔禱得雨又發廩賑給逃徙來歸有疑獄歷二守不能決經至立為剖斷往時藩府以宴餽妓樂餌前守經獨峻辭藩王以下罔敢撓法時流賊狍猖所至殘破經修陴繕甲賊不敢犯績最當遷掌銓者應召過彰德怒經無贈遺遇推陞則曰姑徐徐俄病足遂致政歸

誌

王整

賀泰字志同

縣志雲南副使元忠子

弘治十二年進士由衢州府推官入

為御史武宗收京師無賴及宦官廝養為義子一日而賜國

姓者百二十七人泰抗言其非諸人激帝怒謫衢州推官終

廣東參議

明史

都穆字元敬吳縣人弘治己未進士授工部都水主事歷禮部主客郎中年五十四乞休加太僕少卿致仕又十四年而卒穆七歲能詩及長不習章句泛濫羣籍教授濠上幾二十年吳文定公為言之學使乃得補博士弟子三年而舉進士為郎奉使至秦中訪問其山川形勢故宮遺壤作西使記搜訪金石遺文作金薤琳琅錄歸老之日齋居蕭然日事讐討或至乏食輒笑曰天壤間當不令都生餓死晏如也吳門有娶婦者夜大風雨滅燭遍乞火無應者雜然曰南濠都少卿家

有讀書燈在扣其門果得火其老而好學如此穆少與唐寅交最莫逆寅鎖院得禍穆實發其事寅誓不與相見而吳中諸公皆薄之穆晚年亦深自悔恨云

列朝詩集

唐寅字伯虎一字子畏性穎利與里狂生張靈縱酒不事諸生業祝允明規之乃閉戶浹歲舉弘治十一年鄉試第一座主梁儲奇其文還朝示學士程敏政敏政亦奇之未幾敏政總裁會試江陰富人徐經賄其家僮得試題事露言者劾敏政語連寅下詔獄謫為吏寅恥不就益放浪形迹遠遊祝融匡廬天台武夷觀海東南浮洞庭彭蠡歸益窮研造化尋究律歷求楊馬元虛邵氏聲音之理而贊訂之旁及風鳥壬遁太

乙出入天人閒寧王宸濠慕其名厚幣聘之寅察其有異志佯狂使酒露其醜穢宸濠不能堪放歸其於應世詩文不甚措意謂後世知我不在是奇趣時發或寄於畫下筆輒追唐

宋名匠亦不盡其所至晚乃皈心佛乘自號六如築室桃花

塢與客日般飲其中年五十四而卒

祝允明誌明史合纂附見張靈字夢晉家故

貧窶至靈始讀書為府學弟子性聰慧文思便敏好交游任俠嗜酒與唐寅善寅嘗邀遊虎邱會數賈飲於可中亭且賦詩靈更衣為丐者賈與之食啖之且與談詩詞辨雲湧賈始駭令賡詩揮毫不已凡百絕抵舟易維繫蘿陰下賈使人跡之不得以為神仙也督學御史方誌不喜古文詞遂見斥靈能畫人物高遠有致惟掩其醉得之莫可購取

徐縉字子容西洞庭人震之孫生有異稟童烏之齡日記數百言屬對驚四座時王鏊起東山有女通經史為擇壻一見縉

蘇州府志 卷五十三 五
曰西山乃有是兒邪遂以女許之授舉子業攜至京師命受
易於靳貴得其傳弘治乙丑成進士選庶吉士授編修歷講
讀擢少詹事禮部侍郎充經筵講官時世宗日御講幄縉焚
香端坐達明正衣冠入臨講開陳大道至治忽安危反覆詳
喻帝改容聽受取先皇所製和順從容四字賜縉以顏諸堂
又取內府崇文諸書賜之尋改吏部攝銓政上有事郊禋例
遣勲輔特命縉以亞卿行之自是忌者側目時陸粲疏劾執
政都御史汪鉉嗾太學生詹啓訐粲爲縉所指下御史臺獄
攜摭無所得奪職免歸築介福堂奉母口不言時事足不入
城府幾十五年後以母喪哀毀逾三年卒其後子元成伏闕

上書得賜葬祭諡文敏

王志堅
府志稿

徐禎卿字昌穀吳縣人

列朝詩集曰一字昌
國常熟人遷吳縣

資穎特家不蓄一

書而無所不通自爲諸生已工詩歌與里人唐寅善寅言之
沈周楊循吉由是知名舉弘治十八年進士孝宗遣中使問
禎卿與華亭陸深名深遂館選而禎卿以貌寢不與授大理
左寺副坐失囚貶國子博士禎卿少與祝允明唐寅文徵明
齊名號吳中四才子其爲詩喜白居易劉禹錫旣登第與李
夢陽何景明游悔其少作而趨漢魏盛唐然故習猶在夢陽
譏其守而未化卒年三十有三禎卿體癯神清詩鎔鍊精警
爲吳中詩人之冠年雖不永名滿士林子伯虬舉人亦能詩

明史

盧雍字師邵正德辛未進士授御史武宗北狩督宣府建行宮甚急雍上疏請罷役已清戎畿內長寧伯橫斂繫民雍抗章請釋無辜而還其侵地河間旱奏請免賦減科謫盡出藏鏹貸民全活甚衆再按四川首劾巡撫不法一方肅然妖人挾幻術惑衆立擒置法鑿治犍爲之墓頤灘温江之三渡以便行舟擢四川提學副使未任卒雍性嗜學能詩爲李東陽所賞尤喜表章先賢嘗創董子毛公二祠及浣花三陳東坡遺直四書院居家請立石湖書院祀范文穆公所著有方舟聯舫二集奏疏詩文若干卷

邵寶墓表

陸倅字天爵正德辛未進士官刑部郎中抗疏諫武宗南巡廷杖被謫府同知後復官刑曹持法不避權倖出爲寶慶知府有惠政尋棄官歸隱桃塢種橘自資有故人來訪倅方戴笠荷鍤接簡而入易服而出晚爲詩歌多不留草偶有存者入列朝詩選子自得舉於鄉授肥鄉令有政聲

舊府志明史合纂

袁翼字飛卿少警敏十歲能爲文稍長益事博綜奇文秘紀日討尋不厭聞有異書輒奔走求之併金懸購至解衣爲質弗惜也正德丙子舉於鄉以母病不赴公車逡巡二十年遂以自老平生名義爲急口不言財利事與人處無岸谷而任情矯亢不能俯仰一有所觸狂叫奮擲是非必達其志晚益骯

龔深藏不出讀書樹藝自娛而已闢小圃藝菊數百本嘗曰
吾於世萬事可捐惟積書藝菊不能忘情或時饕餮不繼回
視所有欣然自樂不復知吾貧也優游六十餘年而卒

姑蘇名賢

紀小

伍餘福字君求正德丁丑進士授長垣知縣均賦役出淹禁獎
髦士懲奸胥期年大治武宗南巡道出長垣餘福早夜治辦
民不擾而事集嘉靖初轉營繕主事革免攝司篆積羨千金
悉歸公帑歷刑兵二部郎中以議禮廷杖謫安吉知州再遷
建昌府同知鎮遠知府致仕唯以簡冊自娛喜著述有三吳
水利論可裨實用詩亦工

朱希周誌

子卿忠名孝先以字行弱冠

侍父京邸廷杖創甚卿忠不食飲者數日所著有安南考金

閩事纂長洲野志隨子袁萃任貴溪知縣又修貴溪志

沈思孝誌

朱鴻漸字子羽正德辛巳進士授鉛山知縣能理繁劇有囚胡

道明者大學士費宏之仇出都日宏授意必寘之死鴻漸不

從將入覲縱道明歸家妻得孕生子後又於爰書啓生路尋

陞刑部主事歷郎中出知廣信府卒以無辜釋之再補瑞州

知府時夏言秉政有司迎奉惟謹鴻漸獨不趨承改調梧州

吏部嬭言欲中以計典言曰好官不可動也擢按察副使進

湖廣參政福建右布政使俱著風裁

劉鳳傳

魏志寧字以道南濠人爲諸生篤志經學屢試不利貢入南雍

久之授南雄府推官以儒術飾吏事訟者多自輸其情有偷
 兒入民家被獲自誣與其主婦姦鄰嫗證之婦不能明但求
 死志寧察其冤婦得免郡當蕃貨所集視象者每得厚利藩
 臬屢檄志寧攝府事輒推去之嘗攝始興保昌二縣皆有異
 蹟尋卒於官志寧家居孝友持父喪已五十餘矣哭幾喪明
 子應名字維翰嘉靖癸未進士授刑部主事歷郎中折獄平
 允廣西解元唐同卿應召偶一識面後病臥吳門應召即請
 歸延醫調治及歿為備棺殮又贖其家楊循吉為贈詩盛稱

其事

王鏊誌參
續往哲記

盧襄字師陳雍弟嘉靖癸未進士授刑部主事改兵部陞禮部

員外郎遷職方郎中尋改武選襄歷三部所在職辦諸尚書
 並器重之陞陝西右參議父憂歸尋卒襄長身子立而矜嚴
 自持羣坐中不妄出一語尤善廉事有所審畫必中事機為
 文敷腴明暢詩尤精詣所著有五塢草堂集石湖文略

文徵
明墓

袁表字永之七歲賦詩有奇語嘉靖乙酉舉鄉試第一明年成
 進士時張璁為學士讀表卷欲首薦同事者抑置二甲選庶
 吉士璁亟言於表欲見德而表不謝亦不謁乃密言於上謂
 諸吉士皆少年浮薄非大器出表為刑部主事改兵部武選
 未幾司署火表適代其友當夕在法徼巡失警當調官而璁

憾未已獄吏承望風旨坐以故縱火謀為奸利當斬鍛鍊無所得乃減死戍湖州會赦歸以薦起補南京武選主事歷職方員外郎出為廣西提學僉事兩廣自韓雍後監司謁督府率庭跪表獨長揖尋謝病歸讀書橫塘別業著皇明獻實胥臺世緯吳中先賢傳等書年僅四十六而卒

明史名賢小紀文徵明誌合纂

袁褰字尚之表仲兄吳縣學生屢試輒第一七赴應天試不利循例入太學博學善屬文凡有司至吳者聞其名輒折節與交性亢潔尤長於詩繪花鳥有逸趣書法入米元章之室晚耕謝湖之上自號謝湖所著田舍集游都三稟譜系八述并編類金聲玉振等稟甚夥兄表字邦正由太學生授西城兵

馬司指揮改南京中城陞臨江通判為人耿介在南京以事忤權貴致繫獄人歎其直長於歌詩與昆弟及文徵明王寵輩相倡和有江南春集弟褰字與之太學生身長七尺音如鉅鐘輕財好施潛心讀書不喜浮屠老子之術晚築室桃花塢抱膝長吟于聲勢泊如也所著有東窻筆記括囊稿子年萬歷丁丑進士歷官陝西按察使

汪琬袁氏六俊傳按六俊謂表褰表褰表也表

表皆褰之子表褰表表皆褰之子表與表別見後

蔡羽字九達居包山自號林屋山人為人高朗疎俊聰警絕人少失怙母吳親授之書輒能領解年十二操筆為文有奇氣稍長盡發家所藏書讀之為文必先秦兩漢詩早歲微尚織

縛既而滌除靡曼一歸雅馴晚更沈著時出奇麗見者謂雖長吉不過乃大悔恨曰吾詩求出魏晉上今乃為李賀邪其自標表不肖屈抑如此羽故遂於易為程文以應有司閱四十年不售嘉靖甲午以貢赴選部卿雅知其名曰此吾少日所聞蔡羽今猶滯選調邪奏授南京翰林院孔目居三年致仕歸卒所著有林屋南館二集

文徵明誌

王寵字履仁更字履吉其先吳江人本章姓父為後於王遂為吳縣人寵少學於蔡羽居洞庭三年既而讀書石湖之上二十年非省視不入城市與文徵明唐寅友善為諸生入試鎖院不利以年資貢入太學僅四十而卒寵資性穎異於書無

所不窺而尤詳於經手寫經書皆一再過文學遷固詩好建安三謝行書疎秀得晉法風儀玉立舉止軒揭猥俗之言未嘗出口蘊藉自將對人未始言學温醇恬曠與物無競人擬之黃叔度兄守字履約舉進士由給事中歷官右僉都御史撫治鄖陽守少與寵俱為諸生而寵名過之及守貴寵已前死死後數十年寵名滿天下而人之猶知有守者以寵為之弟也

文徵明誌列朝詩集合纂

按王志堅稿載守傳曰性謹厚容貌敦重動止委蛇可觀為給事中時當張桂用

事從容鎖闥時謂中庸其可取者唯不妄交游五言律有王孟風而已然則守特鄉愿之流舊志有傳未免言過其實列朝詩集數語可以愧天下之徒富貴者故用之

顧聞字行之河南參政福之子舉嘉靖戊子鄉試性嗜古文上

公車輒不利寄傲詩歌所著有九峯山人集子孟林字山甫
 少卽棄諸生隱居食力耿介絕俗獨與長洲陸舒枝爲詩友
 知縣傅光宅重其才品時過訪山中流連不忍去卒未嘗投
 足公庭常獨坐微吟兀兀若醉自稱兀然先生其詩稿較父
 爲多

王世貞序列
朝詩集合纂

湯盤字德銘本姓袁祖珪出後於姑從湯姓父儒爲諸生喜賦
 詩嘗著陽山集盤嘉靖辛卯舉於鄉以親老謁選授富陽知
 縣未數月奔父喪服闋除新安縣以鋤奸除害爲務時當路
 納賄盤獨以禮自持竟註下考歸林居二十年吟咏自適年
 八十而終子曾字若胄復姓袁以恩貢入北雍選授福安知

縣曾經倭寇瘡痍未起曾蠲徭清賦拊摩曲至爲恨者中傷
 降山西按察司簡較委署保德州地近邊徼歲儉粟貴又有
 兵馬郊勞之費民重困曾懇留他賦以充犒贄境內一水爲
 黃河支流生魚肥美臺司檄取飛騎如織曾請厲禁遂除二
 百年來兩害陞南寧府通判尋告歸曾性孝友父老病躬身
 澣滌十年不少怠及卒哀毀如孺子

牛若麟
縣志

楊雷字起潛嘉靖壬辰進士任貴溪知縣俗溺女雷力禁之釐
 革田糧之影射者辨冤獄察奸盜如神明擢南京給事中先
 是當國者創爲科道互劾之例雷言科道互劾非祖制此權
 奸設法欲塗陛下之耳目以便身圖上從之大計京僚劾罷

蘇州府志 卷五十三
大臣十九人出爲湖廣僉事湖北巨商陳誥犯死律賂問官
移罪於僕雷廉得其情誥懼使人持千金走吳託鄰人爲壽
母拒之緘書告雷至已成獄雷出書示人上下皆賢智其母
鎮算苗亂命都御史萬鏜往治雷以爲苗俗不可盡法撫之
便鏜初用其議後復以勦聞及苗再叛雷坐罷官
陳鏜誌
伊敏生字子蒙伯熊子嘉靖壬辰進士授慈谿知縣丁外艱補
臨安縣召爲御史禮部尙書嚴嵩與郭勛相結爲奸敏生劾
嵩所居宅乃勛私人孫灃所居灃籍沒嵩宅應在籍中帝怒
奪敏生俸巡按甘肅湖廣出爲山東參政俺荅入寇命調曹
濮兵戍邊敏生爲監軍者逼脅以暴卒聞子在庭字繼美乙

丑進士官兵部員外郎清約如寒峻性至孝居恒念父勤王
事死每展遺像伏地號哭卒年僅四十

明史參
縣志

黃魯曾字得之蘇州衛人正德丙子舉於鄉以易魁其經十五
年而弟省曾亦以春秋首舉省曾一再試不利輒棄去爲古
學而魯曾與中表皇甫冲海鹽王文祿老於公車嚴嵩聞三
生才久困欲招致之不能得省曾卒又十五年魯曾年七十
五治裝將北行屬疾而卒魯會長身修髯狀貌類河朔大俠
父暉授產千金悉以寘書其學無所不窺省曾事李夢陽薰
染北學魯曾詞必已出不欲寄人籬下性狷介寡合與皇甫
兄弟中外親特相善每相和爲詩先是楊循吉有吳中往哲

記魯曾採擷續之又輯兩漢博聞今皆行于世子河水初名
德水字清父爲諸生不事生產父卒家益落日坐空樓讀書
嘗至都門感時歎逝皆韻而爲詩曰燕市集及歸徧涉山川
紀游勝事曰碧雞集國華集年僅四十三卒列朝詩集參
王志堅傳
黃省曾字勉之六齡好紉素古文解通爾雅弱冠與兄魯曾散
金購書覃精藝苑先達王鏊楊循吉皆爲延譽負笈南都遊
尚書喬宇之門嘉靖辛卯魁鄉榜累舉不第交游益廣王守
仁講道越東省曾執贄往見作會稽問道錄又從湛若水游
李夢陽以詩雄於河洛又北面稱弟子受學焉爲文學六朝
好談經濟每月朔望必陳五經而拜之所著有五嶽山人集

又有經說易繫奧旨懷賢錄詩言龍鳳等書子姬水字淳父
生而穎敏省曾出入必攜之俱有所占屬每令同賦省曾拙
於書命姬水學書於祝允明遂傳其筆法性至孝哭父母成
疾遂棄諸生業嘉靖乙卯避倭難僑寄金陵六年歸盡斥其
田產以供婚嫁衣食不能卒歲而所蓄敦彝法帖名畫甚富
一室之中棊几瑩潔筆硯精良焚香晏坐忻然忘老省曾嘗
輯高士傳因頌貧士以見志焉所著有白下高素齋二集列朝

詩集參
名賢記

徐鱗字紹卿世居洞庭山祖德輝富敵國父天常以輕財損其
家父卒其母蔡攜鱗依同母弟羽以居鱗少爲諸生受學於

舅氏詩文皆得其指授長與黃省曾兄弟善初名陵字少卿
 慕李陵之為人跌宕自喜時從少年為狎游數射策不中遂
 棄去晚年食貧喪子一老女寡居踰年一入城市寄浮屠舍
 蕭然如旅人皇甫汈及張敕劉鳳爭延致之雖篤老論辨蠶
 湧意氣勃發少年弗如也年八十六而卒黃河水稱其詩貴
 華彩尙標致經營用思愈老愈深皇甫汈為醵金刻其集序

而傳之

列朝詩集

錢邦彥字治徵吳縣人嘉靖乙未進士除高安知縣豪民劉明
 三橫邑中負稅巨萬持官吏短長前官莫敢問邦彥收其父
 子繫獄榜殺之一邑稱快庭有井泥不食者百年矣邦彥至

忽若泄者人以為廉泉調縉雲縣以治最擢吏部驗封主事
 轉考功員外郎陞南京通政司叅議累遷南京刑部尙書被
 論歸邦彥居官廉介年十一喪母蔬食終喪繼母待之不情
 孝謹彌篤病吳俗奢靡常衣大布飯脫粟為鄉先生領袖者

三十年年九十卒

馮時可誌

陸師道字子傳吳縣人弱冠舉嘉靖辛卯鄉試戊戌成進士太
 傅李時閱師道卷絕賞之稱其文章賈董筆法鍾王已擬第
 一而首揆欲識之使人邀致弗往遂置二甲授工部主事改
 禮部儀制司首揆必欲羅致門下師道弗屑以母老乞歸時
 年未三十也歸凡十四年養母備至撫同母弟極其友愛母

卒以孝廉聞使者交薦之又十年起祠祭司郎中道遷尙寶少卿嘗一奉使陝西遍歷關中形勝秦王習聞師道名饗以厚幣謝弗納還署司篆復請告歸尋病痺六年年六十四卒師道長身玉立美鬚眉仕宦垂四十年立朝不滿一考初告歸時師事文徵明刻意爲文章書畫皆入能品人謂徵明四絕不減趙孟頫而師道並傳之其風尙亦略相似居平不妄交遊長吏罕識其面奉詔起久之不能治裝鬻其居以往歸遂無一椽所著有五湖集子士仁敦朴有古風

名賢紀參明史

陳鏐字子兼號雨泉祚元孫少有大度常遇巨蛇起坐側不驚一夕盜入室取其衾亦弗動嘉靖戊戌成進士除工部主事

權木荊州課不登尙書知其廉不以罪歷員外郎郎中出爲四川提學僉事閱文畢卽付所司不問甲乙某某有無知名士以故居閒自絕遷湖廣左叅議分守湖南時民以度田忤州官坐大辟五人鏐察其寃出之裁武岡諸王之亂政害民者遷河南副使御史用苛禮相望鏐不應竟爲所論去數年用薦起雲南副使領屯政鏐稽故籍益出贖金募民墾田于是屯田漸廣後武定之亂軍興不乏多取給焉鳳寇平民從賊自歸者多坐死鏐曰罪莫大於殺已降矧脅從乎盡釋之遷四川右叅政尋進按察使右布政使三遷皆在蜀蜀人慕重鏐日夜望撫蜀而鏐慨然乞休時年六十三歸又七年卒

盜爲人坦白中實耿介居官不受餽遺爲布政時庫吏進羨金以例請盜笑曰若知取羨例也亦知不取羨爲吾例邪俸入悉給族黨至不能供伏臘中堂廣袤丈許榜曰已寬豁如也平生不刻意爲詩文而冲遠有致善擘窠大書所著有已

寬堂集便蒙類音原草

名賢紀茅坤表合纂

袁袞字補之嘉靖戊戌進士授廬陵知縣勤於吏事縣人好訟又輸賦京師輒爲攬納戶所侵昌袞悉鈎擿其誣猾置之理一縣驚服鼎新學宮及文忠烈公祠又爲建文諸臣曾御史曾紀善建專祠奉檄覈縣田雖深山窮谷必親履其地抽稽有法吏胥不敢上下其手擢禮部主事陞員外郎引疾歸袞

長身玉立美鬚髯性和雅謙下與母弟袞同居終身不析產歷官十餘年家益落然周卹親黨不以有無爲作輟也歿後廬陵人祀之名宦所著有袁禮部集袞字紹之吳縣學生屢試場屋不利益博涉經史及漢唐以來名家之文作爲詩歌古文詞皆醞藉醇雅居親喪盡禮兄袞官於朝袞經紀家事未嘗敢以一錢入私橐晚歲始循資貢禮部竟不及仕所著

有志山詩集

汪琬袁氏六俊傳

袁洪愈字抑之吳縣人舉嘉靖二十五年鄉試第一明年成進士授中書舍人擢禮科給事中劾檢討梁紹儒阿附權要文選郎中白璧招權鬻官尚書萬鏗侍郎葛守禮不檢下詔切

責銓守禮下瑩詔獄斥紹儒於外紹儒大學士嚴嵩私人也
已陳邊務數事詔俱從之嵩屬吏部尚書吳鵬出爲福建僉
事歷河南參議山東提學副使湖廣參政所在以清節著嵩
敗召爲南京太僕少卿就遷太常隆慶五年以疾歸萬歷中
起故官遷南京工部右侍郎進右都御史掌南院事就改禮
部尚書南京御史譚希思疏論中官外戚且請循舊制內閣
設絲綸簿宮門置鐵牌詔下南京都察院勘訊將坐以誣罔
洪愈已改官代者未至乃具言希思所陳載王可大國憲家
猷薛應旂憲章錄二書帝以所據非頒行制書謫希思雜職
洪愈尋上疏請禁干謁又極陳屯田廢壞之害乞令商人中

鹽免內地飛輓皆議行萬歷十五年就改吏部其冬引年乞
休帝重其清德加太子少保致仕洪愈通籍四十餘年所居
不增一椽出入徒步卒年七十四巡撫周孔教捐金葬之贈
太子太保諡安節子一鶚以廕官治中饘粥不繼以死明史
錢穀字叔寶少孤貧失學迨壯始知讀書家無典籍游文徵明
門日取架上書讀之以其餘功點染水墨得沈氏之法晚葺
故廬讀書其中聞有異書雖病必強起匍匐借觀手自抄寫
幾於充棟窮日夜校勘至老不衰嘗編續吳都文粹若干卷
性勁直不能容人一介不苟焚香洗硯悠然自得有吳中先
民之風子允治字功甫貧而好學酷似其父年八十餘隆冬

病瘍映日抄書薄暮不止歿無子遺書皆散去自是吳中文獻無可訪問先輩讀書種子絕矣

列朝詩集

陸治字叔平世居包山因號包山少年為俠游長而束脩自好久困諸生數辭廩督學嘉其才行令為貢生遂衣處士服堅臥支硯不出工寫生得徐黃遺意山水喜倣宋人而時出己意王世貞稱其上逼李郭馬夏而下勿論也晚年貧甚有貴官子因所知以畫請作數幅荅之其人厚具贄幣以謝治曰吾為所知非為貧也立却之其畫強之必不可得不請之乃或可得詩亦有秀句可誦年八十餘卒

王世貞傳列朝詩集合纂

勞珊字鳴玉西洞庭人博通經史性孝友中嘉靖甲午鄉試連

上禮部不第遂不復出鄉人重之私謚貞靜子遜志字惟敏

隆慶辛未進士授安吉知州陞刑部郎中出知潮州府嚴却

例羨一意釐剔姦弊不阿上官遂議調簡卒

牛若麟縣志

章美中字道華常熟人其父徙居吳家石湖之旁美中九歲能

屬文嘉靖丁未成進士除大理評事遷左寺副擢江西僉事

嚴嵩家奴恣橫所至擅乘驛馬美中獨禁弗予奴恚即榜繫

之臺使者為請弗得自是嚴氏奴多取間道去已逐捕豐城

盜殲其魁餘黨解散兼攝七道篆治理流聞撫按交薦嚴嵩

以前事銜之持不下久之遷廣西參議兵吏皆奉約束以冒

瘴毒得疾數請告會遷四川副使遂投劾歸隆慶初將召用



而卒身後衣不盈篋錢不滿鏹惟圖書數卷里人稱之子士雅字循之萬歷己丑進士知嘉善縣有惠政歷官工部郎中

父子皆能詩

王世貞傳參列朝詩集

欽拱極字子辰嘉靖庚戌進士授工部主事筦沽頭間時連年水災寇賊縱橫拱極安輯有法築城以衛居民又疏濬房邨數十里利轉漕歷郎中以當官廉幹聞楊繼盛劾嚴嵩嵩大怒將致之死拱極慷慨涕泣因所知司業王材致書於嵩極言繼盛清直無私大臣當惜國體協公論且勸嵩宜如宋文潞公待唐介故事材嵩門生也復如拱極指力請之嵩陽許諾而陰中傷遂誠吏部出知高州府會遭父喪不之官服闋

嵩猶柄用在籍乞休以知府加從三品服致仕

舊府志

孫叔陽

字愚公博聞好學戟髯甚口以風情意氣自負不得志於場

屋瑁燥而死

列朝詩集

鄭若庸字仲伯年十六為諸生三試皆首連入棘闈不售隱支硎山殫精古文詞趙康王聞其名三聘乃起禮以上賓鄴人士徵屬文者無虛日學士程敏政以纁帛迎至都下嚴嵩父子聞其至請見不往又以鏹幣招幡然辭行仍如鄴為王著書採掇古文奇事累千卷名曰類雋康王薨去趙居清源年八十餘卒生平所著記志傳序下至樂府稗官小說蟲魚傳奇等書甚多止刊布其一名蝓蛻

詹元象傳參列朝詩集列朝詩集作崑山人

蘇州府志 卷五十三 三
杜詩字與言瓊五世孫嘉靖己酉中鄉試五上公車不第授常
德推官奉檄覈靖州事發州官所侵銅鐵魚腥課萬計綏寧
縣去諸獠不數里城無完堞詩急徙庫金入靖不三日獠果
突入城空手去銅鼓衛俗尤獷戾諸不逞羣聚數千推雄黠
爲魁號曰華欵暴民甚時議征勦詩單車馳諭其黨錢周等
羅拜歸降犒牛酒旌其嚮化聲聞五開咸寧間皆不煩兵而
下擢大理評事遷寺副出爲四川僉事時併鹽務水利茶法
驛傳爲一道詩能舉其職嘗兼攝布按二司剖決如流積案
一清遷貴州參議分守貴寧烏撒烏蒙爭地界讐殺經年詩
數言諭解兩酋帖服土官安國亨恃富不法用兵反爲所劾

朝廷僅褫冠帶示創國亨上奏求雪屬詩會勘時巡道黃某
已爲所餌遜言代祈詩正色曰國亨阻險亂法得無伏斧鑕
爲幸可復假名器乎寢其議黃銜之會大計囑鄉人掌銓者

以年老中詩罷後黃亦賄敗

張鳳翼狀
參縣志

殷乾產時父拾古印一方其篆文一清道人卽字一清少讀書
一室有徽商之媵夜至求合峻不納又晨起如廁見人盜其
物匿他所任竊去終不發其姓名嘉靖己酉登鄉舉後除德
安知縣調龍門所至以清惠聞歸橐蕭然士民臥轍悲擁不
能前笑吟曰仰面青天無愧色回頭赤子有餘情
徐鳴時傳
王天爵字子修幼自歛來吳嘉靖己未成進士授新建知縣縣

稱繁劇天爵以平靜爲理不嚴而辦徵授御史巡視陝西茶馬異時奸商造質茶以給番人馬不時入天爵至漢中監督驗試奸竇屏塞諸番受茶納馬如故西寧斗絕番中稱險遠坐法戍者多不至至輒逸天爵改用本衛無勾補解發之擾軍伍漸充苑馬諸監資用盡仰牧軍天爵令官自設置奏免牧軍積逋千餘金苑馬行大僕二寺歲當入賀費冗職曠天爵請如南京諸部例歲輸一人遂著爲令已出知歸德府至則首葺顏魯公祠以勸節義瀕河薪芟之利悉捐予民丁外艱後補衛輝時河決病漕總河議欲開沁水由衛河達天津天爵以爲開沁必出懷慶水湍激衛當其衝必且魚吾民抗

言不可乃罷擢廣東副使調貴州再遷廣西右參政改江西分轄湖東時方議度田所在苛急天爵獨諭有司加意清核減豁虛田千餘頃尋擢雲南按察使致仕歸卒之日家無餘

貲破產以給含殮

申時行誌

申時行字汝默

明史作長洲人

嘉靖四十一年進士第一授修撰歷左

庶子掌翰林院事萬歷五年由禮部右侍郎改吏部時行以文字受知張居正蘊藉不立崖異居正安之六年三月居正將歸葬父請廣閣臣遂以左侍郎兼東閣大學士入預機務已進禮部尙書兼文淵閣累進少傅兼太子太傅吏部尙書建極殿張居正攬權久操羣下如束濕異已者率逐去之及

蘇州府志 卷五十三
居正卒張四維時行相繼柄政務爲寬大以次收召老成布列庶位朝論多稱之然是時內閣權積重六卿大抵徇閣臣指諸大臣由四維時行起樂其寬多與相厚善四維憂歸時行爲首輔余有丁許國王錫爵王家屏先後同居政府無嫌猜而言路爲居正所遏至是方發舒以居正素暱時行不能無諷刺時行外示博大能容人心故弗善也帝雖樂言者許居正短而頗惡人論時事言事者閒謫官衆以此望時行口語相詆諆諸大臣又皆右時行杜言者口言者益憤時行以此損物望十二年三月御史張文熙嘗言前閣臣專恣者四事請帝永禁革之時行疏爭帝絀文熙議不用時閣臣與言

路曰相水火初時行欲收人心罷居正時所行考成法一切爲簡易亦數有獻納嘗因災異力言催科急迫徵派加增刑獄繁多用度侈靡之害又嘗請止撫按官助工贓罰銀請減織造數趣發諸司章奏緣尙寶卿徐貞明議請開畿內水田用鄧子龍劉綎平隴川薦鄭洛爲經略趣順義王東歸寢葉夢熊奏以弭楊應龍之變然是時天下承平上下恬熙法紀漸不振時行務承帝指不能大有建立帝每遇講期多傳免時行請雖免講仍進講章自後爲故事講筵遂永罷評事雒于仁進酒色財氣四箴帝大怒召時行等條分析之將重譴時行請毋下其章而諷于仁自引去于仁賴以免然章奏留

中自此始後以冊立事為言官交章論劾時行不自安力求
罷詔馳驛歸四十二年年八十帝遣行人存問詔書到門而
卒先以雲南岳鳳平加少師兼太子太師中極殿大學士詔
贈太師諡文定

明史

袁尊尼字魯望袁之子生而警穎五歲授書十歲諸經悉通既
工舉子業益讀子史百家言於詩喜眉山於文喜潛溪務以
詳贍為則嘉靖乙丑成進士授刑部主事改南禮部歷南吏
部考功郎擢山東提學副使與巡撫不合遂乞致仕初高拱
為表所取士尊尼在刑部拱數託草青詞尊尼心惡之遂乞
去拱謂有意遠之不能平世宗崩尊尼以進香至都僅從朝

堂一見不交一言比拱再起兼握銓柄尊尼益畏自匿而拱
忽擢以督學論者謂尊尼正而拱厚皆近古云尊尼性和易
坦亮晚忽躁恚未幾卒年僅五十二所著詩文十卷禮記集

說正訛百篇

王志堅
府志稿

張元凱字左虞以世弁管蘇州衛事再督漕北上有功不得敘
自免歸元凱少受毛詩折節讀書既膺世爵冀立功名卒不
得一當游於酒人以自放善王世貞兄弟世貞序其詩以沈
慶之曹景宗比元凱不屑也歿後世貞曝書得其行卷歎其
知之未盡為詩一章酌之有伐檀詩十二卷子孟孺亦能詩

列朝
詩集

袁一虬字汝化洪愈兄子隆慶戊辰進士授荆門知州陞東昌府同知丁內外艱補嚴州入爲刑部員外郎歷郎中擢廣西副使進浙江叅政乞休歸一虬爲人坦夷直亮於人世機變仕路谿徑直夢想所不到遭回一官至三十年顧憲成爲選郎念洪愈故稍以浙藩優之一虬初未識憲成也通籍五十餘年田不盈二頃其清介不減洪愈然不自表襮又性乏文采交游益寡雖同里亦鮮知之者家居二十五年手不釋卷所著有周易古本學易并觀讀詩錄老莊輯注列子節文娛老編綱目考正佚游錄詩選補四高士集唐詩折衷歸田錄諸書晚喜讀內典卒年八十二

王志堅府志稿

劉城字玉儔幼以孝行聞篤學甚富隆慶辛未第二人及第授翰林院編修陞南京國子司業進中允管司經局事卒於邸城端方正行官居清華囊無一物居鄉杜門不聞外事惟喜博覽手不釋卷

舊府志

馮笏字正伯隆慶辛未進士除海陽知縣有惠政座師王錫爵在政府欲援入吏部笏逡巡自却陞兵部主事請告歸數年始出補南兵部遷撫州知府卒於官家無餘財生平不自表暴清恬之致人無知者少與兄符字信伯相砥礪符嘉靖丙辰進士亦官撫州知府安靜宜民無忝兄弟之政

文震孟傳

徐應雷字聲遠生兩月而孤母石教之八歲能詩嘗作寶劍篇

有奇語稍長好讀書獨不喜爲舉子業強習之終不樂爲諸生不久卽棄去益發攄爲古文詞性篤孝年踰四十母必名呼之唯諾如嬰兒母病終夕不寐禮大士至千餘拜不休家素貧無以爲養應侍郎韓世能徐顯卿之聘爲書記二公事之甚莊母歿自矢曰向直爲親屈耳今而後雖三日絕糧宰相致千金之聘吾弗顧矣應雷有逸才文章欲自成一家然其入門不出嘉隆諸公爐冶晚遂欲以大言駕其上論者弗謂然也若其人可謂君子矣生平交友同邑惟周鄰孔陸嘉觀四方之友惟王在公丁元薦等年六十卒有白毫集行於世鄰孔字我遺初師王敬臣攻舉子業年三十無知者有顯

者憐之爲屬當事者強之試鄰孔潛遁去已而游燕中與應雷等結交歸久之忽爲僧游海上還尋坐逝於祖塋之旁嘉觀字彥先采之孫也少工詩三十舉一子而殤不勝悲愴盡燒筆硯託酒人自豪其詩多情致但不能作長篇所著曰酒

民集

王志堅府志稿

劉弘道字思甫萬歷甲戌進士授惠安知縣擢工科給事中疏請減中官織造設專官修東南水利出爲山東僉事歷江西參議湖廣副使理驛傳裁冗冒歲省千餘金會楚藩事發詔遣大臣偕中貴臨勘供億騷然悉心調劑民賴不擾遷浙江參政釐剔運弊完漕爲天下先晉雲南按察使致政歸唯杜

門讀書父遺田悉推予貧戚周其衣食年七十五卒

吳默誌

陳騫字子潛俱元孫萬歷丁丑進士授行人擢禮科給事中戊

子典江西試得士最盛為忌者所誣謫福建布政司照磨未

幾遷南京工部主事歷兵部郎中有武弁以金置果筐入餽

賂閹人持進騫暴之閹人與弁並伏罪出為湖廣僉事河陽

有豪為橫騫檄州按之攝篆判官納賄曲庇騫面叱之判密

與巡按御史構騫摭他事劾之奪級歸騫生平重節槩勵廉

隅篤孝友母喪飲泣一日喪明有妹少寡而貧移居宅旁代

之舉火弱冠未娶時假館一室有富家媛夜來薦寢懷百金

以贈厲色峻拒詰朝亟謝去彌留之際謂諸子曰吾官雖不

達無負於國生六十三年無愧衾影翛然而逝

舊府志

魏學禮字季朗世居閭門為諸生才名籍甚劉鳳以博學自負

一見心折敦禮為子弟師與共倡酬合刻其詩曰比玉集萬

歷乙亥以歲貢除鎮江府學訓導御史邢侗按吳薦於朝遷

國子學正詔刻十三經注疏委以校讐陞廣平府同知歲儉

飢民揭竿起學禮慰解即散鄰郡有冤獄不決屬學禮一訊

得其情署府篆者再無纖毫染指當事有私人賊敗囑之曲

庇學禮不從遂喉巡撫劾罷歸而故居已售無棲止依徐顯

卿僑居宜興年七十八卒

列朝詩集
叅舊縣志

伍袁萃字聖起餘福孫初從母袁姓為長洲諸生舉萬歷三年

會試念親老遄歸又三年釋褐授貴溪知縣時給事中徐貞明被謫里居巡按御史受張居正旨將甘心焉袁萃抗言貞明卒有物故如後世何御史愧而止講學禁厲毀天下書院殆遍袁萃奏記大吏乞留象山壘山兩先生祠更置田餼當事者怒譴呵之袁萃自若也真人張國祥偽篆事發獄具巡撫曹大埜欲從末減袁萃曰腕可斷法不可廢擢兵部主事終養歸服闋起故官三王竝封議起再貽書執政爭之進員外郎署職方事李成梁子如楨求為錦衣大帥袁萃力爭寢之出為浙江提學僉事中官有所請不為動巡按御史以近例檄收告考生儒袁萃引會典竟格不行進湖廣參議與稅

監相訟拂衣歸歸四年起廣東海北道副使中官李敬轄珠池其參隨殺人袁萃捕論如法請告歸杜門著書所撰林居漫錄彈園襍誌多貶斥當世公卿大夫而於李三才于玉立

為尤甚人亦摘其誤謬與相駁詰云

王志堅稿參明史

葉初春字處元西洞庭人萬歷庚辰進士任順德知縣時海寇充斥建水壩以遏其入路歲荒賑貸全活甚多丈量阡陌賦額一清召拜禮科給事中轉左同官李獻可疏請豫教撻帝怒重譴兵科張棟偕初春疏救並褫職歸光宗登極錄遺忠初春已歿追贈光祿少卿

明史參舊府志

申用懋字敬中時行子萬歷癸未進士授刑部主事歷兵部職

方郎中熟悉九邊要害掌樞者倚之九載不調詔加太僕寺少卿仍治職方事先後歷樞曹十九年望最著天啓中累遷右副都御史巡撫順天以忤璫解官去崇禎初起兵部右侍郎進尚書都城被兵拮据戰守兩閱月遂乞歸卒年八十贈太子少保弟川嘉字美中萬歷壬午舉人歷官貴州參政有善績用懋子傳芳以廕補尚寶丞居父喪以哀毀卒用嘉子紹芳萬歷丙辰進士官至戶部左侍郎

舊府志

王有功字可大萬歷癸未進士除遂昌知縣徵授御史巡視陝西茶馬往時茶使不敢渡河有功遍巡五茶司自洮岷河湟窮塞絕漠無不躬歷招番中馬十倍哮承恩叛有功與總督

魏學會謀便宜發帑金犒士師得濟學會被逮有功上疏申救已按廣東海南妖亂總督劉繼文掩殺不辜嶺海騷動有功渡海察實劾其貪功妄殺及還不攜粵產一物條上朝講寬刑諸疏亟請冊立為忌者所中削籍歸家居十餘年敝廬不蔽風雨歿無以為斂天啓初贈光祿寺少卿

鄒元標傳

王禹聲字文溪文恪公鑿曾孫萬歷己丑進士授刑部主事引疾歸起補工部榷北新關以廉稱歷員外郎郎中陞承天知府稅監陳奉貪橫肆虐奸民薛長兒李二生皆承天人為奉爪牙楚人所在思亂一日奉至承天二生等嘗以罪為鍾祥令案治至是圖雪其私誣以阻撓下檄捕令士民相聚揭竿

禹聲單車諭止聞者解去而守陵闈杜茂倡言民變擅調兩
衛官軍將大肆屠戮禹聲揭榜通衢牒報上官直列二闈激
變狀闈恨甚上書告變禹聲坐削籍歸數年卒後贈光祿

寺卿

王志堅府志
稿參縣志

趙一鶴字治心萬歷甲午舉於鄉授大名知縣革贖免徭稅
縣居漳衛下流歲罹河患召父老議必甃堤乃可捍禦亟白
上官興築而界錯元城元城令持不可一鶴與力爭隄竟成
名萬勝一鶴知同官相忌上隄議卽解組民老幼哭送數百
里事聞罷元城令調一鶴補廣之徐聞先是縣城北門不啓
一鶴詢故曰癸道也啓之利民不利令會火延燒民居甚慘

一鶴命啓勿閉災遂寧亡何泛舟謁臺府還次羚羊峽風暴
舟覆溺死一鶴初泄徐聞適崖州黎亂督撫調狼兵二萬往
征道出縣境帥卒驕悍劫掠騷然一鶴密白督撫梟示其戎
首衆始戢縣又多盜豪右素爲營窟急之卽入海一鶴諭以
誠信半皆嚮化擒其魁以獻一鶴禔躬清嚴自常祿外毫無
取民間其死慟哭失聲並設位祭享崇祀學宮
文震
孟誌
袁景休字孟逸吳人讀經史喜爲歌詩芒鞋竹笠徧遊吳越山
川歸而受一廬於吳市以賣卜終老劉鳳以海內文章自負
吳人推服之無敢後景休每向人抉摘其紕繆以爲姍笑鳳
大怒訴之郡尉攝而笞之尉數之曰若敢復姍笑劉侍御文

章邪景休仰而對曰民寧更受笞數十不能改口妄諛劉侍御也尉笑而遣之吳人用是益嗤鳳

列朝詩集

蘇州府志卷五十三

終

蘇州府志卷第五十四

人物八

吳縣

明

徐如珂字季鳴吳縣人萬歷二十三年進士除刑部主事歷郎中主事謝廷讚疏請建儲帝怒盡貶刑曹官如珂降雲南布政司照磨累遷南京禮部郎中廣東嶺南道右參議暹羅貢使餽犀角象牙如珂不受天啓元年遷川東兵備副使時奢崇明亂蜀成都圍雖解而重慶爲賊黨樊龍張彤等所據其地三面阻江一面通陸如珂率兵從間道繞出佛圖關後與女土官秦良玉攻拔之崇明發卒數萬來援如珂迎戰檄同

知越其杰躡賊後殺萬餘人樊龍張彤皆死遂復重慶奉檄
搗蘭州土城賊借水西兵十萬來援前軍少却捍子軍單懋
勲挽白竹弩連中之賊大潰轉戰數十里斬首萬餘級遂拔
蘭州崇明父子竄水西去乃召如珂爲太僕少卿轉左通政
魏忠賢逐楊漣如珂郊餞之忠賢銜甚遷光祿卿修公廨竣
疏詞無所稱頌六年九月廷推南京工部右侍郎遂削籍歸
里三月治具飲客頃之卒崇禎初以原推起用死歲餘矣尋
錄破賊功賜祭葬進秩一等官一子

明史本傳參朱燮元傳
又文震孟撰傳曰天啓

丙寅春吏部周順昌被逮緹騎激變闖欲盡坑吳民禍且不
測如珂抗言蘇州財賦重地不可重擾且所連引俱係人望
宜以東漢末爲鑒復以全家百口保吳民不反計給同鄉之
枋國者從中曲挽得從寬典順昌誣賊三千釐金代完及斃

獄後經紀其喪不避形迹以故闖益恨之 按此事當
紀史傳略之非是所謂同鄉之枋國者闖黨顧秉謙也

范允臨字長倩文正公十七世孫萬歷乙未進士授南京兵部
主事改工部歷員外郎中出爲雲南提學僉事遷福建參議
未至任而歸允臨才識通敏恥爲章句之學盛年仕宦奮欲
以功名自効在雲南值鳳克陷武定猝圍會城巡撫陳用賓
委允臨城守時將吏列戍外地賊攻急旌旗刀槊皆不及設
守陣者居民耳允臨禦之百端凡閱數晝夜城藉以完及賊
遁走有以克首獻者允臨曰僞也尋生獲克於安南界上獻
俘京師教化三部人相讐殺上官屢論不聽允臨言交人入
內地勢不得久宜會諸部併力急擊遂大敗俘斬賊帥以下

數百計方上功會用賓被逮代者忌允臨遂不復錄及遷福建忌者猶不止中以考功法歸而築室天平之陽流連觴詠數與故人及四方知交來吳者遨遊山水間尤工書法與董其昌相伯仲遠近爭購之自文正公置贍族義田三十頃至明季僅存三之一允臨復以腴田十頃佐其入人稱其善繼

汪琬撰
云墓碑

毛堪字公輿理元孫萬歷戊戌進士除吉安府推官擢御史巡按雲南時歲加貢金至五千搜括民間償價十倍驅商數千里外採煎商民交困堪三疏力爭嘗劾鎮臣驕橫疏築阿迷廣通等城控制要害又請開廣西通滇南毋孤懸一線後水

西叛亂人皆悔不早從堪言再按順天父艱歸服闋起大理

丞遷少卿皆不出周順昌被逮堪身任橐籥崇禎初累擢南

京光祿寺卿府尹通政使卒贈工部右侍郎予祭葬

張世偉狀

顧順升字與登吳縣人爲太學生有文譽父死甫一月母又死

家失火順升負母屍出旋復昇父柩遍體焦爛絕而復蘇強

起營葬事服闋仍處丙舍萬歷中仕爲兵馬司副屢剖冤獄

累擢楚府長史不赴歸抵里卽廬墓以終其年

通志

毛文煒字肇明師事王敬臣孝親從兄不失尺寸萬歷丙子舉

於鄉屢試不第授青浦教諭以理學氣節勸勉諸生餽遺弗

納陞博羅知縣革羨耗設櫃令民自投巨盜殺人謀劫縣庫

文煒調兵戍守密計擒渠魁李貴等搗其巢所掠婦女悉遣歸母喪服闋補泰順縣縣在萬山中公費悉出民間文煒一切停止以病歸改瑞州府學教授轉袁州府通判署萍鄉宜春二縣皆有善政陞莒州知州文煒曰兩親贈典已膺吾又何求竟謝歸里卒年八十四

文從簡傳

申用明字晦之性耿介嗜學善屬文從父文定公器之少補縣學生已入南雍受知於祭酒馮夢禎改北雍顧天峻奇其文序而刻之丁父艱哀毀卒私謚孝貞先生

舊府志

繆國維字四備吳縣人父天秩字原常事父能曲承其歡父疾籲天以身代陰刲股肉和糜以進父竟不起居喪哀毀以創甚遂成瘵疾咯血死國維生未匝月而孤母張氏鞠於外祖家家貧苦學萬歷辛丑成進士授南安知縣念母老不便就養乞改寧國府教授遷國子博士陞營繕主事晉虞衡郎中


出知溫州府多善政擢貴州副使聞安酋難作兼程抵任屯兵守新添衛枕戈坐甲者三閱月圍解敘功當事抑之僅陞右參政又以耿介不悅於巡按鑄級歸年六十卒於家

舊府志

楊大滢字子澄吳縣諸生南京兵部尙書成子

見長洲

少從王敬臣遊縑袍徒步徐行下視人不知爲尙書子性廉靜見非義色艱然不可犯事親誠孝居喪哀毀兄弟四人析產獨取其薄丁巳戊午間歲大饑民死無算大滢收瘞枯骼兩年可萬



計居家訓子肅若朝典冠婚喪祭必用古禮年逾艾危坐一室誦讀不輟疾亟衣冠肅然以手指心而逝門人私諡端孝

先生

錢謙益吳中名賢續議

鄭光宙字道夫吳縣學生師事王敬臣與言道學之要煥然解悟敬臣暮年有來從遊者每謂之曰道夫進業立誠足為學者師蓋往事之自是生徒日進性至孝父病侍湯藥經月不解衣帶歿後祭享必涕泣盡哀踐履篤實學者稱拱山先生所著有周易管窺四書經通注五十卷

牛若麟縣志

沈柱臣字公耳受業於王敬臣事繼母純孝歲饑買粟炊以奉母已與妻咽糟糠不令母知授徒入糶悉歸母手不私一錢

弟嗜酒善費唯其所需或意氣橫加柱臣笑承為縣學生六

舉優晚以貢授滁州訓導師範嚴飭時臨海周汝登為太僕

卿駐滁禮重之稱為醇儒五載卒於學舍

朱鷺傳

邱文學字游夏少喪母事父能得其歡冬夜必以身溫席父好

飲好游豫儲以待父歿哀毀失明醫者勸服羊肝以非禮不

從目竟復明自言生平無一長惟無事不可告天年五十九

卒鄉人私諡曰康孝

文震孟傳

周順昌字景文吳縣人萬歷四十一年進士授福州推官捕治

稅監高宓爪牙不少貸宓激民變劫辱巡撫袁一驥質其二

子并質副使呂純如或議以順昌代順昌不可純如以此銜

順昌擢吏部稽勲主事天啓中歷文選員外郎署選事力杜請寄抑僥倖清操皜然乞假歸順昌爲人剛方貞介疾惡如讐巡撫周起元忤魏忠賢削籍順昌爲文送之指斥無所諱魏大中被逮道吳門順昌出餞與同臥起者三日許以女聘大中孫旂尉屢趣行順昌瞋目曰若不知世間有不畏死男子邪歸語忠賢我故吏部郎周順昌也因戟手呼忠賢名罵不絕口旂尉歸以告忠賢御史倪文煥者忠賢義子也誣劾同官夏之令致之死順昌嘗語人他日倪御史當償夏御史命文煥大恚遂承忠賢指劾順昌與罪人婚且誣以贓賄忠賢卽矯旨削奪先所忤副使呂純如順昌同郡人以京卿家

居挾前恨數譖於織造中官李實及巡撫毛一鷺已實追論周起元遂誣順昌請囑有所乾沒與起元等並逮順昌好爲德於鄰有冤抑及郡中大利害輒爲所司陳設以故士民德順昌甚及聞逮者至衆咸憤怒號冤者塞道至開讀日不期而集者數萬人咸執香爲周吏部乞命諸生文震亨楊廷樞王節劉羽翰等前謁一鷺及巡按御史徐吉請以民情上聞旂尉厲聲曰東廠逮人鼠輩敢爾大呼囚安在手擲銀鐺於地聲琅然衆益憤曰始吾以爲天子命乃東廠邪蠹擁大呼勢如山崩旂尉東西竄衆縱橫毆擊斃一人餘負重傷踰垣走一鷺吉不能語知府寇慎知縣陳文瑞素得民曲爲解諭

衆始散順昌乃自詣吏又三日北行一鷺飛章告變東廠刺
 事者言吳人盡反謀斷水道劫漕舟忠賢大懼已而一鷺言
 縛得倡亂者顏佩韋馬傑沈揚楊念如周文元等亂已定忠
 賢乃安然自是緹騎不出國門矣順昌至京師下詔獄許顯
 純鍛鍊坐贓三千五日一酷掠每掠治必大罵忠賢顯純椎
 落其齒自起問曰復能罵魏上公否順昌嚙血唾其面罵益
 厲遂於夜中潛斃之時六年六月十有七日也明年莊烈帝
 卽位文煥伏誅實下吏一鷺吉坐建忠賢祠純如坐頌璫並
 麗逆案順昌贈太常卿官其一子給事中瞿式耜訟諸臣冤
 稱順昌及楊漣魏大中清忠尤著詔諡忠介又從其子茂蘭

請以所贈官推及其祖父給三世誥命建祠賜額佩韋等皆
 市人文元則順昌輿隸也論大辟臨刑五人延頸就刃語寇
 慎曰公好官知我等好義非亂也監司張孝流涕而斬之吳
 人感其義合葬之虎邱旁題曰五人之墓其地卽一鷺所建

忠賢普惠祠址也

明史

朱陞宣字德升本吳江人父燾讀書修行愛西山之勝移家於
 吳陞宣舉萬歷壬子鄉試少以父爲師無一刻離膝下天啓
 乙丑會試畢忽心動亟馳歸而母病卒以父多病遂絕意進
 取少與周順昌同學又同鄉舉及順昌被逮陞宣衰絰往送
 周旋甚至未幾父歿以哀毀卒年五十六門人擬諡純恪姚

希孟定諡孝介曰天生孝介以配忠介也崇禎七年巡按御史祁彪佳特疏表章贈翰林待詔

張世偉誌

王心一字純甫萬歷癸丑進士除行人擢御史天啓元年正月詔給保姆客氏土田二十頃為護墳香火又詔魏進忠侍衛有功待陵工告竣並行敘錄心一抗疏言陛下眷念二人加給土田明示優錄恐東征將士聞而解體况梓宮未殯先念保姆之香火陵工未成強入奄侍之勤勞於理為不順於情為失宜不報已給事中侯震暘倪思輝朱欽相相繼疏論客氏帝大恚貶官三秩心一疏再上言之尤切帝怒貶官如之廷臣請召還者十餘疏皇子生詔復故官歷太僕卿應天府


尹終刑部侍郎

明史參縣志

陸康稷字宇粒吳縣人萬歷丙辰進士除貴溪知縣性剛介有廉聲調繁廬陵剖斷疑獄輒奇中舉卓異擢兵部主事奉命祭陵遇魏忠賢於道不讓尋落職歸崇禎改元起吏部主事歷文選郎中掌銓政以親老乞終養家居垂二十年卒年六十

舊府志

姚希孟字孟長吳縣人生十月而孤母文氏勵志鞠之稍長與舅文震孟同學並負時名舉萬歷四十七年進士改庶吉士座主韓爌館師劉一燝器之兩人並執政遇大事多所咨決天啓初震孟亦取上第入翰林甥舅並持清議望並重尋請



假歸四年冬還朝趙南星高攀龍等悉去位黨禍大作希孟鬱鬱不得志其明年以母喪歸甫出都給事中楊所修劾其爲繆昌期死黨遂削籍魏忠賢敗其黨倪文煥懼誅使使持厚賄求解希孟執而鳴之官崇禎元年起左贊善歷右庶子爲日講官二年秋與諭德姚明恭主順天鄉試有武生二人言籍中式給事中王猷論之遂獲譴希孟雅爲東林所推韓爌等定逆案參其議羣小惡希孟謀先之及華允誠劾溫體仁閔洪學兩人疑疏出希孟手體仁遂借冒籍事修隙擬旨覆試黜兩生下所司論考官罪擬停俸半年體仁意未慊令再擬希孟時已遷詹事乃貶二秩爲少詹事掌南京翰林院

尋移疾歸家居二年卒

明史

福王時諡文毅子宗典字文初能

傳家學爲人敦孝友重節概崇禎壬午舉於鄉國變後隱居山中所著有啓禎存是錄旻菴詩文彙宗昌字瑞初爲諸生名與兄齊屢試不遇絕意進取所著有皇明鑑始莖齋詩文彙

顧其國字在一天啓壬戌進士授永豐知縣移劇吉水除盜賊蠲羨耗值歲災曲措糧賦而民不知累秩滿擢御史巡視陝西茶馬解京馬匹獨逾故額以不附權黨左遷行人司副晉司正卒其國賦性清貞關陝地寒例用貂帳其國驚而撤去終任不攜一絨歸囊空若洗官居臺憲貌類書生自視欲然

人稱篤行君子

蔡懋德傳

李模字子木其先太倉人避倭移居郡城祖志學為諸生孝友剛方以篤行稱父吳滋萬歷己未進士累官湖廣副使所至有聲卒年八十九模以天啓乙酉成進士除東莞知縣舉卓異授御史屢上疏言事巡按其定諸府與分守中官陳鎮夷相劾奏貶南京國子監典籍福王立起為河南御史時封黃得功等為侯伯謂之四鎮模上言當擁立時陛下不以得位為利諸臣何敢以定策為名甚至侯伯之封輕加鎮將夫諸將事先帝未效桑榆之收事陛下未彰汗馬之績案其實亦在戴罪科而予之定策其何以安諸將性果忠義必大慰先

帝殉國之靈而後可膺陛下延世之賞模見時事不可為遂以病歸事父依依孺慕當事式廬稀得一見里居三十餘年年八十二卒子炳字文中國變後棄諸生隱居養親所著有

山樂集

吳中先賢圖舊府志合纂

戈如珪字汝信父乾病篤禱於周孝子廟割股投藥劑中父久不能言忽曰吾知汝孝心宅神已上奏矣疾遂愈天啓二年

巡按馬英題旌

舊府志

蔡人龍字君伸吳縣人天啓壬戌武進士授溇梧守備碧灘溇水獠亂督府檄人龍會兵進剿諸將皆觀望人龍獨勇敢深入殺賊甚衆未幾賊來攻人龍外援不至力戰死子至中率

死士入賊巢獲父屍擒劇賊歸剖其心以祭事聞贈遊擊將

軍約康熙間
吳縣志

陳于王字丹衷吳縣人世爲蘇州衛千戶旣襲職兩舉武鄉試授奇兵營守備以捕獲海盜功遷都司僉書守崇明蛇山盜王一爵等亂海濱于王率戰艦數十擊之羊山持刀躍入其舟生禽一爵殲其黨殆盡上官交薦遂知名天啓初經略熊廷弼用爲標下參將代者至飲于王酒暴卒其子訴于王毒殺之逮繫久不釋崇禎二年京師有警巡撫曹文衡貫其罪署前鋒遊擊將兵勤王旣至兵事已解遂南還久之巡撫張國維用爲中軍守備九年賊入江北圍廬州陷和州國維遣

于王守六合守備蔣若來守江浦賊方圍江浦若來急入與知縣李維樾固守賊登城若來拒却之六合無城若來與于王犄角捍賊二邑賴以全賊犯宿松于王弟國計偕指揮包文達等以二千人往救文達戰沒于王驟馬入拔其弟而出十年正月賊分犯江浦六合及安慶國維遣部將張載賡等援安慶而以新募兵二千令副將程龍及于王若來分戍二邑已而賊不至國維議赴安慶城太湖乃提龍等三將兵西上三月賊犯太湖副將潘可大將安慶兵九百龍等三將將吳中兵三千六百禦之鄆家店賊先犯可大營龍等至夾擊之賊多死夜復至中伏亦敗去監軍史可法欲退扼要害諸

將不從掘塹守二十四日羅汝才劉國能等七營數萬衆齊至圍數重諸將突擊頗有殺傷可法偕副將許自強馳救扼於賊鳴大礮遙爲聲援諸將亦呼譟突圍會天雨甲重不得出明日日中賊四面入將士短兵接戰可大戰死龍引火自焚死于王手執大刀左右殺賊傷重力竭北面叩頭自刎死閱十日面色如生若來服圍人衣以免事聞贈于王昭勇將軍指揮使世廕副千戶

明史

包文達字行甫世襲蘇州衛指揮同知崇禎八年正月賊攻桐城巡撫張國維檄之從征別其所知曰父死未葬念之心痛今已矣及至而桐城圍解賊已移師至潛山太湖國維乃發

守備朱士允趨潛山文達及把總張其威守備項鼎鏞趨太湖二月十二日遇賊於宿松五里舖人馬飢疲將爨而獲賊哨譁然分其囊金以爲賊星散易襲爭出跡之文達止之不得已而賊伏四起士卒皆竄文達中流矢墮馬強起揮戈再戰爲賊斷臂斫頭而死

徐秉義明末忠烈紀實 附錄錢謙益石義士哀辭序曰石電者常熟丐

戶也長身赤髭能挽強超距尤精槍法包文達往援時電與壯士陳英從二月十二日追賊於宿松我師恃勇輕進陷賊伏中文達死之電英分左右翼搏戰殺賊無算英躡被擒電大呼往救賊圍之數重電力盡捨槍手弓射殺數人賊羣斫之頭旣斷猶僵立爲擊刺狀良久乃仆皖人招其魂祀之余忠宣廟下

陸明輔字伯相居包山父鷗富好行義以詩文自娛有白雲集明輔博學攻古文辭落拓不事生產初困役業盡廢嘗日具

未炊猶手不釋卷所著曰左球史琳龍飛十紀明時玉韻歿後二子幼而貧一女守貞不嫁勉刻父槃阿集行世舊府志

馮夢龍字猶龍才情跌宕詩文麗藻尤工經學所著春秋指月

衡庫二書為舉業家正宗崇禎時以貢選壽寧知縣江南通志

書一龍字震甫洞庭人山中多富室習為行賈而一龍以讀書

好古破其產入貲為郎冀得一命以慰其母久次選人困無

資地范景文典選事識其名異而問之曰得非吳下詩人葛

震甫人呼為葛髯者邪乃得就選除雲南布政司理問居無

何謝病歸卒初洞庭蔡羽為清綺之詞自異於文祝諸人以

為獨絕一龍悅之刊落剪刻欲追配之於百年之上已而年

漸長筆漸放楚人譚元春之流相與尊奉之浸淫徵逐時時

降為楚調云列朝詩集

吳鼎芳字凝父吳人世居西洞庭為詩蕭閒簡遠有出塵之致

與范東生刻意宗唐刊落凡近有披襟倡和集行世後為高

僧以終列朝詩集

沈野字從先為人孤癖寡合不能治生僦廡吳市傍教授里中

下簾賣藥雖甚飢寒人不得而衣食之也曹能始見其詩激

賞之延致石倉園題其所居之室曰吳客軒有臥雪閉門燃

枝榕城諸集列朝詩集

徐鳴時字君和橫塘人少喪父赤貧寄食蕭寺為句讀師藉脩

脯養母從遊日衆室隘不能容隙地構室顏曰雙學取楊萬里老夫稼圃方雙學之句崇禎乙亥以選貢除武寧知縣有善政卒於任門人私諡曰貞隱

舊府志

楊廷樞字維斗孝子大滌子舉崇禎庚午鄉試第一自爲諸生卽以文章氣節負重名倡應社於吳中與太倉張溥張采等諸名流分經立課集漢唐以下諸儒義疏傳說辨其源流得失爲文章必傳經義力矯世俗詭譎之習四方學者奉爲楷模因其所居臯里稱臯里先生領解後聲譽益盛門弟子著錄者二千人初周順昌被逮廷樞身左右之幾被禍甲申聞變北向慟哭誓以死殉福王立貽書執政所言十事皆天下

大計奄黨阮大鍼者崇禎時廢居金陵復社士爲南都防亂揭討之大鍼遣使求解於廷樞廷樞拒不納至是大鍼方得志欲修宿怨御史王實鼎阿大鍼意上復社渠魁疏專指廷樞將搆大獄會南都破事得解乙酉後隱居鄧尉山不復入城市丁亥四月蘇松提督吳勝兆反爲之運籌者戴之儁廷樞門人也事敗連廷樞被執於舟中賦絕命詞十二首裂衣幅作遺書自題其後曰吾自少讀書慕文信國之爲人今日之事乃其志也五月朔巡撫土國寶會鞫於蘆墟泗州寺廷樞南向挺立國寶好言相慰命薙髮廷樞終不屈乃殺之臨刑大呼曰生爲大明人行刑者急揮刃首墮於地復曰死爲

大明鬼時年五十三門人私謚忠文先生

明史忠烈紀實家傳合纂

毛維張字國卿由例監生為長子縣丞署邑篆魏忠賢遣其下

勾索府縣庫銀維張預備一冊言邑小糧輕徵解無餘使者

信之迄忠賢敗山西諸縣獨長子庫銀無缺崇禎壬午遷和

陽衛經歷巡城有功賜宴加級甲申三月為流賊所執酷刑

逼金罵賊而死

通志參舊府志

魯之璵字瑟若世襲蘇州衛百戶累官劉河參將南都建號防

禦京口遷副總兵駐師福山大兵至蘇州鄉兵四起諸生

陸世鑰聚眾千餘屯陳湖中有十將官者亦屯千餘人於左

近已而所部有被獲下獄者陳湖之師伏力士劫之焚城樓

城中士民應之焚撫按公署撫按亦斂兵於南園之璵率千

人入城與大兵戰眾潰不能支之璵鬪死有義士韋志斌

者亦同死

徐秉義明末忠烈紀實

湯傳楹字卿謀吳縣諸生美風姿性高潔才思敏妙詩奇奧似

長吉濃艷傲西崑體古文辭亦縱橫爽邁年二十五值甲申

國變悲憤發病卒妻丁氏哀慟越一宿而絕無子一女適崑

山徐元文所著湘中草友人尤侗刻之以傳

尤侗傳

髯樵叟不知姓名美髯長身多膂力採薪洞庭山中負三百斤

貨於人祇索百斤直人怪問之曰吾力能負何妨均直直輕

售速即沽酒痛飲放歌歸午後又入山輒至人跡罕到之處

人又怪之荅曰吾力多合遠樵近地應讓力少者忽山中傳
京師陷乃椎胷長號曰吾知天子姓朱竟換賊李邪投震澤

中死

江南通志

江用楫等明史順治八年 大兵至舟山魯王帆海去屬大學
士張肯堂守城城破肯堂自經時同死者有戶部主事蘇州
江用楫兵部主事長洲顧珍工部主事長洲顧宗堯中書舍
人蘇州蘇兆人

邱民瞻字天民吳縣諸生少遊文震孟朱陸宣之門持身甚嚴
內行純備篤於倫誼為同時所推好讀書尤諳史事國變後
野服不入城市居五年病卒所著有紀元錄大戒篇國朝名

臣言行錄國朝詩集賁園初刻及遺集等書

徐晟傳

本朝

○繆慧遠字子長參政國維子順治丁亥進士知壽陽縣以耿
直忤大吏謝病歸慧遠少工制義晚肆力古學尤邃於詩嘗
與人論詩曰襲漢魏六朝之形而不知所歸宿者罔也畫唐
宋為鴻溝而不知所變通者固也不學而妄託宋人以文其
空疎者陋也詩自我作奈何以一二古人限我老益嗜學年
八十五卒有寧齋詩彙二十卷子錦宣字鈞聞康熙癸丑進
士官檢討繼讓字虞良康熙戊辰進士龍游知縣皆能詩

志

新縣

○尹明廷字冀堦順治己丑進士選授廣西平樂知府李定國之亂明廷被執說之降大罵曰狂賊死吾分也何多言定國怒去其衣束以漁網繫磔之至死罵不絕口時順治十年七月十九日也百姓瘞其骨於府治牌坊之側滇黔平嗣子宗文至平樂求父尸有老媪告其處啓得之負以歸事

聞贈太僕寺卿賜祭葬宗文以廕官柘城知縣初明廷之從兄明徵為邑諸生當鼎革時攜其妻抱幼女赴井死宗文即其所生也

○沈世奕字韓倬順治乙未進士官翰林請假歸杜門讀書賞識尚書韓菼於未遇時人服其精鑿子旭初字寅生康熙丙

辰進士官編修朝初字洪生康熙己未進士官侍讀並工詩文朝初子曾純字天維康熙庚辰進士選義烏知縣有善政

江南通志

○錢中諧字宮聲順治戊戌進士康熙己未舉博學宏辭授編修纂修明史乞假歸中諧學問淹貫為諸生時請減蘇松浮賦條議三吳水利皆切於國計民生詩文雄贍敏捷惜多散失兄鏌字鍊百少受業於徐汧為諸生試輒冠其儕居家孝友年八十無疾而終所著有麓圃集湘耘編

新縣志

○席本楨字寧侯世居洞庭東山家素饒崇禎末連歲大祲本楨出白金八千兩市襄樊粟賑貧民全活無算復上書願輸

家財以助軍巡撫黃希憲奏聞授文華殿中書尋加太僕少卿鼎革時湖中多不靖本楨率鄉人捍禦一方安堵歿後人感其德建祠祀之子啓圖字文輿能繼父志施德鄉里廣父所置義冢義田賑凍餒育嬰孺助嫁娶施醫藥修學宮編輯先賢格言二十卷曰蓄德錄啓寓字文夏官虞衡主事徙家常熟性孝友亦好施予延平湖陸隴其於家教二子永恂前

席又刻其遺書行世

汪琬朱彝尊誌舊府縣志合纂

○王節字貞明為諸生尚氣節周順昌被逮吳民環聚呼冤節偕諸人請巡撫毛一鷺以民情上聞一鷺不聽節遂直斥其黨奄姦狀坐除名禁錮奄敗得復還顧秉謙以奄黨竄歸吳

人士逐之急巡撫曹文衡責諸生曰若等宜閉戶讀書何與彰輝事邪節曰衮鉞者朝廷之權是非者庶人之議節等讀書至杞檜誤國恨不剗刃其腹焉能俯首與生杞檜同里開邪卒逐秉謙去後舉崇禎己卯鄉試順治中官桃源教諭

志新縣志合纂

○金俊明字孝章吳縣人少從其父宦寧夏馳騎游獵任俠自喜既歸里折節讀書受經於朱陞宣補縣學生數試不利最後復赴試筮得蠱之上九太息曰天欲我高尚其事乎遂歸謝諸生杜門以備書自給未幾明亡人始服其知幾幼善書小楷師曹娥碑行草師聖教序晚益自名一家兼工詩古文

詞四方來請者不絕閒畫樹石九工墨梅人爭傳寶之嘗有
 學使者慕其名欲招致之不可得因歎曰清真絕俗雖古之
 沈冥不過也年七十賦生輓詩引陶淵明為況又四年而卒
 所著有康濟譜閩幽錄春草閑房詩集長子逖字祖生攻篆
 隸善騎射詩蒼勁渾成少子侃字亦陶亦工書畫能詩杜門
 鈔書校讐精審宋元人名集秘本插架甚富

汪琬金孝章墓誌參通志

○徐波字元歎少為諸生工詩古文竟陵鍾惺見而驚賞以為
 古人復生締交甚厚甲申冬馬士英擅政將以清職羅致波
 知士英必敗拂衣竟去歸隱竺隲築落木庵以老著述多漚
 僅有諡簫堂集若干卷行世

新縣志

○王煥如字至翁為郡學生屢困場屋嗜讀經史及古今人物
 罔不探閱明崇禎中巡撫張國維彙訂吳中水利全書多出
 煥如手後吳縣令牛若麟延脩縣志成書五十四卷極其詳
 備又有府學志聖恩寺志等書

康熙間縣志

○欽楫字遠猶學通五經以儀禮注疏多不合經文乃旁搜漢
 以來諸儒訓詁考正之作圖解少學畫於劉原起高古有宋
 元遺意以此自給他餽遺不受為人孤癖終身不娶聞婦人
 聲必引避他所寄居僧寮不近市宅其違絕人情如此弟蘭
 字序三少為諸生有名鼎革後高尙不事賣文自給文博雅
 詩有漢魏風性孤介離其妻無子寄友人家以終

舊府志參尤侗良齋

雜說

○張掄字無擇吳縣人爲人修介寡合於天文地理醫藥之書無所不貫而尤邃於六書之學當世無知者惟趙均極推服之同邑費誓字仲雪好譚兵能急友朋之難並爲徐晟所重

徐晟存友札小引

○王武字勤中文恪公鏊六世孫以諸生入太學讀書賦詩多技能尤長於畫先世所遺及平時所購獲宋元明諸家名蹟心慕手追得其遺法所寫花鳥信意渲染皆有生趣太倉王時敏亟稱之於是聲譽大噪四方士大夫走書幣造請無虛日家本饒裕武不事生產好施予家遂落乃屏絕諸好以高

潔醞藉自持所居文恪故第其旁怡老園有亭榭花木水石之勝恒與賓從昆弟觴詠其間晚自號忘菴年五十九卒汪琬爲之傳以爲吳中老成典型其風尙標格與前明杜瓊顧祖辰陸治相伯仲云

約汪琬王忘菴傳

○汪撰字異三其父自歛徙吳撰少能詩與林雲鳳輩相倡和撰尤工五言家不豐而好致四方之客黃岡杜濬桐城錢澄之寧都會燦成都費密皆來主其家與燦尤篤死生之誼所著有崢嶸集

徐柯一老菴集

○吳時德字明之一字不官東洞庭山人天懷高曠壯歲棄舉子業肆力風騷王潢顧夢游諸人招入秦淮詩社有五字長

城之目鼎革後每過鍾山整衣遙拜黍離麥秀之思時時激發錢謙益採其詩入吾炙集所著有來瘦蘆中可老諸草又有秦嘉銓字存古西山人嗜學工詩與時德善時德贈詩有一代友朋零落盡兩山風雅後先荒之句因與時德有兩山風雅之選所著有既耕堂詩鈔

吳莊七十二峯足徵集

○黃向堅字端木先世自常熟遷吳父孔昭字含美崇禎癸酉舉人明末授雲南大姚知縣罷官後兵阻不得歸流寓白鹽井教授自給音問隔絕向堅家居日夜涕泣目盡腫順治八年十二月拜祖墓別妻子誓不得父母不歸攜一囊一蓋獨行冰雪中涉溪踰嶺自武岡而西從間道出洪江關歷鎮遠

平越至貴陽爲孫可望戍兵所執疑爲間諜將官程萬里者詢知其故歎曰孝子也給以今符乃得前其間懸崖絕壑豺虎蠻箐兵馬之虞無所不歷繭足黧面幾死者數明年五月尋至白鹽井得見父母留五月奉二親歸明年六月始抵里門吳人以其事播之樂府世所傳萬里緣傳奇是也還家後孝養二十年而母歿孔昭優游林泉爲吳中耆舊年九十無疾而終向堅年六十五矣猶孺葛哀號尋以病卒乾隆四年

巡撫許容

題旌

新舊府縣志并請旌事實合纂

○華渚字方雷其先自無錫徙吳渚少穎悟弱冠補諸生有名時張溥張采楊廷樞方主盟文社渚皆游其門鼎革後棄諸

生屏居六經子史及醫卜種植之書靡不蒐討文筆古峭兼工書法康熙初嘗預修府志所著有逸民傳勾吳華氏本書復社紀事年六十九卒

李奕拓傳

○楊无咎字震百一字易亭父廷樞死國難时无咎年甫十二痛未從死杜門隱居歷八十年如一日與澗上徐枋崑山朱用純稱吳中三高士三人皆以先人死忠以名節相砥礪者也先是无咎嗣叔父廷楨後及執廷樞喪泣血三年或疑非降服之禮无咎曰先人大故非尋常人之喪其親者比禮以義起予天下之鮮民雖終身喪可也當廷樞被難日賴門人吳江迵紹原力得收殮後歲時家祀必以紹原配享徐枋臨

歿以孤孫相託无咎不避嫌怨卒保其孤家貧藜藿不充廷樞門生故舊遍海內或登華要无咎義不往閒有以書幣招者亦謝不應也所著談經錄辨析經傳譌謬多前人所未發其補正三易卦位圖說獨探千古不傳之秘詩文彙有楊仲子三百篇及小宛集年八十九卒學者私謚正孝先生

張尚瑗楊

易亭傳參楊繩武所撰行述

○繆彤字歌起國維孫父慧隆以孝友稱彤少異敏早擅文譽康熙丁未殿試第一授修撰陞侍講父艱歸澹於宦情遂不復出家居二十年杜門不與世事惟率鄉之後進講學課文嘗立三畏書院刊明儒曹月川家規蔡虛齋密箴劉念臺證

人會約以為標準學者稱雙泉先生巡撫湯斌內

名奏吳中薦紳以道義自持者形為首卒年七十一所著有雙

泉堂集四十二卷

郭琇志

○管父才字麟公康熙庚戌進士邃於理學與同年友陸隴其

講論諸儒同異深相契合至性孝友親老不仕克盡子職事

兄捷愛敬備至推已析之產於幼弟又為其師程智營葬地

經紀其喪制行卓越人咸重之

何焯撰傳

○范必英字秀實初名雲威參議允臨子幼孤能奉母訓順治

丁酉舉順天鄉試康熙己未以博學宏詞徵授檢討纂修明

史分纂事畢即謝病歸居鄉廉靜罕至公府家有萬卷樓藏

書甚富日誦讀其間凡禮樂刑政兵農水利之書以及文章

家源流高下歷歷能指數所為詩古文詞綺麗雅馴晚喜汲

引後進從遊者二百餘人拔其尤程課之手自甲乙講解不

倦年六十二卒

韓茨撰行狀 江南通志必英門人之尤著者吳縣金沈劼字以時長洲汪嗣文字山文

並拔貢生

○朱崧字與西長洲人府學諸生喜攻詩南歷閩越北遊燕冀

所見聞皆發於詩性孝友父歿遺產悉讓之兄所著有窺園

詩草

舊府志

○孫岳頌字雲韶號樹峯康熙壬戌進士選庶吉士授編修歷

右贊善侍講侍讀左庶子國子監祭酒擢禮部右侍郎仍管

國子監事岳頌為諸生時嘗割股愈母病入翰林以能詩善書受知

聖祖嘗召入內殿賜坐論古今書法每有

御製碑版必

命岳頌書之居官廉謹進位司成故鄉尚無一椽以居

聖祖特命賜第一區并賜買田銀一千兩里黨榮之年七十奉

旨校勘二十一史卒官

通志

○陸肯堂字邃升幼穎悟日誦數千言為文信筆而成凌厲頓

挫康熙乙丑會試殿試皆第一授修撰丁卯主試江西所

得多名士充

日講官起居注歷左右中允侍講侍讀

朝廷大著作多出其手未幾卒年甫四十七

張伯行撰墓誌

○邵黠字蘭雪本餘姚人遷蘇州少孤事母孝刻苦為文工書

得虞褚法畫似雲林入都遊太學見知於柏鄉魏裔介龔鼎

孳施閏章皆與之游五試不售卒於京有燕游詩三卷

新縣志

○周公贄字覲侯居林屋山中讀書嗜古放情高蹈而詩名籍

甚汪琬葉燮皆重之松江周金然卜居石公山相與賡和其

詩疎放曲暢似晉山清婉流逸似石湖晚年自作風格亦時

有見道語所著有編年集

足徵集

○張孝時字嘉錫康熙辛未進士選庶吉士改欒城知縣濬浚

沙諸河故道延袤四十餘里列植榆柳以固隄防邑之水患遂息在官二載政績特著以巡撫薦及九卿保舉擢寧州知州撫綏疲瘠民日休息又疏濬州西天池以資灌溉連歲大稔州有白狼噬人孝時爲文牒城隍神狼遂不出居七年以疾乞休未就道而卒弟孝揚字嘉名少與兄友愛康熙辛酉舉於鄉五試禮部不第改授旌德教諭息爭訟新學宮勤文課作勸戒十二條以教化爲己任爲一時校官中所僅見以疾卒於官士民請於上官祀名宦祠

通志參
崇祀錄

○惠周惕字元龍世居吳之東渚父有聲字律和明末歲貢生與同里徐枋友善以九經教授鄉里周惕少傳家學又從枋及汪琬游究心經學工詩古文詞既壯阨於貧遍歷四方與當代名人交康熙辛未成進士選庶吉士改授密雲知縣有善政卒於官所著有易傳春秋問三禮問詩說及研溪詩文集

○金礪字元台邑諸生家東洞庭山年七歲登莫釐峯賦詩時號神童及長操履端方居家孝友讀書講學寒暑不輟平湖陸隴其崑山朱用純咸器之爲文根柢六經出入八家究心六書尤工篆隸

○吳士玉字荆山康熙丙戌進士選庶吉士授編修陞贊善歷侍講侍讀提督順天學政晉講讀學士武英殿總裁雍正元

年擢內閣學士充

經筵講官入直南書房甲辰主江西鄉試教習庶吉士晉戶部右侍郎兼一統志總裁調工部尋解任令在內閣學士裏行復歷禮刑吏三部侍郎陞左都御史進禮部尚書年六十九卒

賜祭葬諡文恪士玉以文學見知

兩朝服官三十年和平謹慎始終如一少工舉子業爲諸生試輒冠儕偶文譽籍甚所選篋中集先後十餘種盛行一時詩宗韓蘇有蘭藻堂集

○惠士奇字仲孺一字天牧周惕子年十二能詩及爲諸生益

肆力於經史古學康熙戊子舉鄉試第一明年成進士選庶吉士授編修庚子主湖廣鄉試所得多知名士旋奉

命提督廣東學政粵中士子鮮知實學士奇立約以通經爲先務令諸生誦習五經三禮三傳能背誦背寫者卽與錄取逾年通經之士漸多方報滿會

世宗登極命再任士奇益殫心造就文風大振爲粵東數十年來學使之冠遷右中允超陞侍講學士轉侍讀學士奉

旨名還將大用矣旣入對不稱旨而罷後罰修鎮江城以產盡停工削籍乾隆元年復起補侍讀纂修三禮以老乞歸卒所著有歸耕人海等集晚年尤邃

於經有易說六卷禮說十四卷春秋說十五卷

楊超曾撰墓誌

○趙成穠字德培康熙戊子舉人授內閣中書歷戶部員外郎

兵部郎中考選御史六十年三月大學士王揆以請建儲奉

嚴旨切責時科道十三人亦合疏上請成穠與焉並謫戍口外

軍臺成穠以雍正三年卒於歸化城

○湯方良字恭允吳縣人寄籍桐鄉為諸生少孤勤學屢試不

售遂專意著述所著有羣經本義史類編年洪範皇極內篇

解河圖洛書辨理學淵源論金石考及詩文千餘篇卒年四

十九

新縣志

○蔣夢蘭字芳似本金壇人父徙居吳夢蘭好吟詠尤善古體

以清真勁拔為宗崑山徐昂發歎其神似孟東野張文昌有

香山詩橐二卷書法尚瘦硬蠅頭小楷率皆懸臂書之

新縣志

○王世琛字寶傳明大學士鏊六世孫父銓字東發康熙庚午

副榜累官禮科給事中敦氣誼重然諾善繪事書法世琛風

度恬雅工詩文兼善書畫得父筆法康熙壬辰殿試第一授

修撰雍正初充

實錄纂修官晉侍講督山東學政勸實學斥浮偽青齊文體一

變累遷少詹事視學未竣以勞卒官

通志

○黃師瓊字願弘省曾八世孫康熙壬辰進士以便養改徽州

教授刻苦自勵從學者恒數百人丁內外艱服闋補鎮江教

授陞雲南廣通知縣卒官師瓊天性孝友居母喪鬚髮頓白親歿遺產悉推與弟已盡廢去復代償所負兩為弟卜居不能守乃割宅處之

○陳炳字虎文性狷介不肯隨俗而意致高遠詩宗王孟又好鑄印章類顧苓晚喜效趙宦光作草篆年八十餘卒有陽山集十卷同里與炳相善者黃中堅字震生為諸生有聲屢試不售遂棄舉子業肆力古文有蓄齋集十六卷新縣志

○陳汝楫字季方世居常熟國初遷吳縣為諸生從何焯游研窮經史工詩古文後為國子監生李光地撫直隸時汝楫隨焯往謁一見器之遂為入室弟子屢試不遇康熙壬辰九

卿應

詔以汝楫學行薦後又以光地薦分修周易折衷書成以母老乞歸卒年六十二所著有周易禹貢四書史漢三國志諸劄

記及文集詩集若干卷新縣志

○陳世治字師洛孤貧力學博涉羣書補府學生為義門何焯高第弟子文章雅健奧衍每試輒冠其曹與同里徐葆光金壇王步青齊名所選制義歸雅集盛行於時繼與宜興儲大文為古文出入秦漢唐宋諸家書法秀勁得褚河南筆意屢試省闈不售繆沅督學湖廣延至署中不數月病卒年甫四十士論惜之所著有芙蓉居士詩文彙若干卷

○李大忠明太僕少卿應楨後早喪父事母邵至孝順治五年巡按御史梁應龍疏請旌表

新縣志

○顏中和

沈德潛云名祥字中和

楓橋人義士佩韋從孫也父宏仁順治

初為怨家周昌所殺訟諸官不得直中和時年十三痛之常礪析薪斧束草為昌形試之昌聞頗心動然易其少弟為備逾三年中和懷斧告母曰兒往報父讐矣母大駭止之中和不顧奮衣出門值昌市中陰尾之行昌不知也行稍前遽自後揮斧中昌首昌方左右顧又斧之會其母趣長子孟和走視比至昌已死兄弟乃同詣縣首罪爭自承殺昌官不能決眾從旁分別言之始下中和於獄母往視之哭曰駭兒以父

子兩命易一命耶中和怡然曰父讐得復死不憾明年巡按

御史釋之

汪琬顏中和事略

○顧鰲吳縣人順治二年六月父仲常為讐家金瑞甫刺死鰲時僅二歲稍長詢其母得父死狀即淬一刃挾以出入瑞甫亦謹避之至年十八遇瑞甫於胥口拔刀刺之瑞甫驚躍入水鰲亦投水連刺傷額不殊金挾貫誣以盜兵備王紀訊得實謂瑞甫既殺其父又誣其子雖經屢赦不宥遂伏辜

舊府志

○施岳字敬山本姓邱濟寧人幼孤值歲祲母子不能存活吳客施某憐之攜歸洞庭因冒其姓及長習木工自食忽忽孺慕枕席時見涕淚痕授室後即約衣節食為尋母計明季間

行求訪流寇梗道而返 國初再往不得康熙丙午復禱神
誓不見母不歸至則窮詢博訪一日遇小兒憩道左偶與語
言某莊有老媪因念子時時泣下岳心動問道所由亟往叩
戶母子初不相識因自陳憶孩時母方烙餅兒倉皇取食湯
火成癥伸掌宛然相持慟哭時母年八十岳亦六十矣遂載

歸洞庭孝養終身

吳莊傳

○程燿字宏敷父朴生燿八歲而卒族人構逆奴凌其孤燿痛
哭陳牒邑令爲之淚下訟乃得理稍長孝養母陳母病劇剖
股和藥以進母病稍痊後卒不起股創甚力疾營葬事旋卒

舊府志

○姚易修字象亭授徒以養父母鄰火延燒其家易修方自塾
歸冒火奔入負其父出又入負母出兩足焦灼而父母無恙
父嘗客閩督范承謨所耿精忠反易修聞父被繫馳至閩號
於軍門請代父死賊遂釋父而繫易修因爲陳說天人順逆
之理賊怒欲加害易修曰得從范公死何憾延頸受刃無懼
色賊不能屈復繫獄會 王師至脫歸巡撫湯斌題額曰陳

常時夏年七十七卒

新縣志

○郁聖揆字紹虞自太倉徙吳少篤孝父目病翳以舌舐之復
明後疾甚嘗惡以驗瘥否母病醫藥罔效與妻吳焚香告天
請以身代應禱而愈親歿晝夜號哭見者傷心康熙二十五

年巡撫湯斌趙士麟連疏請旌

新縣志

○顧潘字方水吳縣諸生幼孤家貧力自節縮以供母甘旨居喪哀毀三年未嘗見齒亦不離几筵撫其弟幼則勸之學長則授之室老而貧也割產以資其養凡親族之嫁娶婚喪有不克集事者隨其踈戚而俛助之卒後張雲章爲之傳

通志

○錢聯珍字公玉吳縣人本姓顧幼育於從母故從其姓家服賈稍能自立卽迎本生父與繼父母同居垂三十年旣而相繼歿力營葬地使兩冢相望而廬於其間有子五人命長子三子承錢姓其餘復顧姓以各守宗祀雍正七年旌表又同邑金秋蔡來信楊秉鉉金拱辰文齡朱維藩袁上林葛以時

嚴渠成姜舜權俱雍正乾隆間以孝行旌

○曹天祐字御玉父與兄弟不相得天祐曲爲調劑卒使同居式好丁卯冬母失足墮河天祐入水負母浮數里得不死遂病嘔血戊辰父樓居失火天祐冒火救父受傷而斃妻孫氏亦苦節乾隆二年旌

新縣志

蘇州府志卷第五十四

蘇州府志卷第五十五

人物九

長洲縣新分元和縣人物附後

唐

陸龜蒙字魯望元方七世孫父賓虞以文歷侍御史龜蒙少高放通六經大義尤明春秋舉進士一不中往從湖州刺史張搏遊搏歷湖蘇二州辟以自佐嘗至饒州三日無所詣刺史蔡京率官屬就見之龜蒙不樂拂衣去居松江甫里多所論撰雖幽憂疾痛貲無十日計不少輟也文成竄藁篋中或歷年不省為好事者盜去得書熟誦乃錄讐比勤勤朱黃不去手所藏雖少其精皆可傳借人書篇帙壞舛必為輯褫刊正

樂聞人學講論不倦有田數百畝屋三十楹田苦下雨潦則與江通故常苦飢身畚耜刺無休時或譏其勞荅曰堯舜徽瘠禹胼胝彼聖人也吾一褐衣敢不勤乎嗜茶置園顧渚山下歲收茶租自判品第張又新為水說七種其二惠山泉三虎邱井六松江人助其好者雖百里為致之初病酒再葺乃已其後客至絜壺置栝不復飲不喜與流俗交造門不肯見升舟設篷席齋束書茶竈筆床釣具往來時謂江湖散人或號天隨子甫里先生自比涪翁漁父江上丈人後以高士名不至李蔚盧攜素與善及當國召拜左拾遺詔方下龜蒙卒光化中韋莊表龜蒙及孟郊等十人皆贈右補闕

唐書

吳仁璧

盧志云字延寶長洲人

大順中及第喜屬文精星學及黃白術初

學於廬山道士數年其師曰能學仙乎仁璧固陳求名之志道士曰一第猶拾芥耳但他年從宦勿干英雄仁璧既成名錢武肅王鏐待以客禮訪以天文固辭非所知欲辟幕職又以詩辭及秦國夫人薨武肅具禮幣請為誌又不從遂為錢氏所害

盧志云沈之江中仁璧有詩一卷

其女亦善星學仁璧被繫女仰瞻

而泣曰文星失位大人其不免乎

吳郡志引吳越備史遺事

宋

劉少逸年十一文辭精敏有老成體其師潘閔攜以見長洲令王元之吳縣令羅思純以所作贄二令二令名重當時疑其

假手未之信因試與之聯句略不淹思思純曰無風燈燄直少逸曰有月竹陰寒元之曰一回酒渴思吞海少逸曰幾度詩狂欲上天凡數十聯皆敏妙二公驚異聞於朝賜進士及第官止尚書員外郎

吳郡志引續歸田錄

葉清臣字道卿長洲人幼穎敏好學善屬文天聖二年舉進士知舉劉筠奇所對策擢第二宋進士以策擢高第自清臣始授太常寺奉禮郎累遷太常丞進直史館京師地震上疏曰天以陽動君之道也地以陰靜臣之道也易此則亂乃十二月二日京師定襄同日地震大河之東彌千五百里而至都下屬者熒惑犯南斗一歲之中災異仍見必有下失民望上

戾天意者頃范仲淹余靖以直言被黜天下之人齟舌不敢議朝政者將二年願深自咎責許忠直敢言之士庶幾明威降鑿數日仲淹等皆遷出爲兩浙轉運使疏盤龍滬瀆港人賴其利以右正言知制誥知審官院判國子監時陝西用兵屢上疏言事帝以其才可用擢爲起居舍人龍圖閣學士權三司使公事始奏編前後詔敕吏不能欺簿帳之叢冗者一切刪去內東門御厨皆內侍領之凡所呼索有司不敢問乃爲合同以檢其出入出知江寧府踰年入爲翰林學士丁父憂服除以翰林侍讀學士知邠州改澶州進尚書戶部郎中知青州徙知永興軍浚三白渠溉田踰六千頃仁宗御天章

閣名公卿出手詔問當世急務清臣爲條對極論時政闕失其言多劇切權貴所列利害甚衆會河決商胡北道艱食復以爲翰林學士權三司使皇祐元年春帝御便殿訪近臣以備邊之策清臣上對極言將相大臣不得其人三司失計轉運使不舉職及監牧之弊又請發大名庫錢以佐邊糴而安撫使賈昌朝格詔不從清臣固爭具疏其跋扈不臣宰相方欲兩中之乃徙昌朝鄭州罷清臣爲侍讀學士知河陽卒贈左諫議大夫清臣天資爽邁遇事敢行奏對無所屈數上書論天下事陳九議十要五和皆當世可行者有文集一百六十卷子均爲集賢校理

宋史

胡稷言字正思其先婺州永康人兵部侍郎則之從子少學古文於宋祁嘗獻時議於范仲淹復從胡瑗學以特奏補官調晉陵尉歷鄞縣簿山陰丞自度不能究其所施遂致仕所居臨頓里唐陸龜蒙舊址也築圃鑿池追陶靖節之風種五柳以名其堂清修寡欲延納後進日晡後不復飲食客至蕭然具湯一杯而已卒年八十餘子嶧字仲連姿稟淳慤恬於榮利與方惟深林慮爲忘年交後以年格建炎登極推恩調迪功郎安遠尉非其好也所居五柳園松窗蓬戶步趨言動皆有尺度賓嘉喪祭率循古法用杜詩名所居曰如村自號如村老人紹興中卒年七十九詩文簡古有如村冗藁子百能

字少朋紹興進士知江山縣有惠愛乾道初授諸王宮大小學教授致仕歸築堂曰宜休卒年七十四

中吳紀聞吳郡志盧志合纂

方惟深字子通本莆田人父龜年官至屯田郎卒葬長洲因家焉惟深鄉貢第一試禮部不第即棄去有田一廛與其弟躬耕閒則讀書至於黃帝老莊之言養生為壽者之說及西方別傳皆得其大指尤長於詩每一篇出人爭傳誦王安石稱其精純警絕元白皮陸有不到處惟深雖游安石之門無一毫迎合意文學行義與朱長文同為一時所宗元符初郡將薦於朝崇寧中復以遺逸應詔皆不起有司舉貢籍以年格得興化軍助教就賜敕牒袍笏於家初年四十無子其弟有

子以謂吾先人有後足矣即屏居於外預知死期喪葬皆有

治命年八十三有詩集十卷

中吳紀聞吳郡志盧志合纂

楊懿孺字彝甫其先自浦城徙長洲以行義隱處與方惟深同時號吳中二老懿孺少孤力學言行相顧朝無夕儲讀書哦詩泊如也神夷氣昌未嘗有憂雖閭里不盡知其貧崇寧二年特奏名後調南昌簿居一年忽載妻子歸吳即告老以承奉郎致仕平居直心自信不知世閒有傾巧事自未仕及老於家不入州縣不事鄉里請謁閒一過所親厚歲不過數四雖嘗出仕而人猶謂隱者

吳郡志

林處字德祖父旦秘書少監自有傳

見流寓

處少穎悟絕人能傳

父祖業伯父希嘗獲古鏡背有龍朔二字處從旁曰是非唐大帝時物乎希奇之曰是兒看過于目當復以文名可繼其祖矣遂以德祖字之既長益刻苦自淬厲故其學早成登紹聖四年進士第除潤州教授入爲太學錄復教授常州常號多士籍於學者千餘人時方以三舍取士乃身爲勸率從者風靡大觀三年廷試常士預選者五十三人上賜詔曰進賢受上賞知州教授特轉一官處由奉議郎改宣德郎知州徐申於學南立進賢坊榮賜亭以侈之在職六年學者信服遷揚州教授擢河北西路提舉學事陛對日上首以久歷師儒顧問甚渥且使徧行所部推廣風旨處頓首奉詔因請加鄒

克二國公謚復捐公廨菜圃歸於學除開封府左司錄以府尹不之禮上章請老夜自書牘且報可家人無知者卽日束裝出國門士大夫奔走出餞皆不及旣歸杜門一室不入州縣無一言及時事爲人強敏有志操自六經諸子而下錯綜貫穿無不記誦爲文章捉筆數百言閱易數暢初若不經意然論辨研覈皆有抵宿晚好浮屠說不肉食者十四年始疾卽不呼醫逮卒弗亂年六十六所居大雲坊自號大雲翁有易說書義書禮記老子解及大雲集一百卷神宗聖訓十卷西漢詔令十二卷

盧志

葉夢得字少蘊清臣從曾孫

史作吳縣人

嗜學早成多識前言往行

談論壘壘不窮紹聖四年登進士第徽宗朝用蔡京薦遷祠部郎官大觀初京再相向所立法度已罷者復行夢得言周官太宰以八柄詔王馭羣臣所謂廢置賞罰者王之事也太宰得以詔王而不得自專夫事不過可不可二者而已以爲可而出於陛下則前日不應廢以爲不可而不出於陛下則今日不可復若徒以大臣進退爲可否無乃陛下有未了然於中者乎上喜曰邇來士多朋比媒進卿言獨無觀望遂除起居郎累遷翰林學士蔡京初欲以童貫宣撫陝西取青唐夢得見京曰祖宗時宣撫使皆是見任執政未有以中人爲之昨除貫節度使天下皆知非祖宗法今又付以執政之任

使得青唐何以處之京有慙色然卒用貫取青唐政和五年知穎昌府發常平粟振民常平使劉寄惡之宦官楊戩用事寄括部內得常平錢五十萬緡請糴粳米輸後苑以媚戩戩委其屬持御筆來責以米樣如蘇州夢得上疏極論穎昌地力與東南異願隨品色不報時旁部糾民輸鋤就糴京師怨聲載道獨穎昌賴夢得得免李彥括公田以黠吏告許籍邨城舞陽隱田數千頃民詣府訴者八百戶夢得上其事捕吏按治之郡人大悅戩彥交怒尋提舉南京鴻慶宮高宗駐蹕杭州遷尚書左丞上以夢得深曉財賦除資政殿學士專提領戶部財用辭不拜歸湖州紹興初起爲江東安撫大使兼

知建康府兼壽春等六州宣撫使會王才降劉豫引兵入寇
夢得遣使張偉諭才降之以其衆分隸諸軍濠壽叛將寇宏
陳卞雖陽受朝命陰與豫通夢得諭以禍福皆聽命及豫入
寇卞擊敗之八年除江東安撫制置大使兼知建康府行宮
留守又奏防江措畫八事金宗弼犯含山進逼歷陽夢得勸
張俊趣諸軍進發聲勢大振金人退屯昭關明年金復入寇
遂至拓臯夢得團結沿江民兵數萬分據江津遣子模將千
人守馬家渡金兵不得渡而去初建康屯兵歲費錢八百萬
緡米八十萬斛權貨務所入不足以支至是禁旅與諸道兵
咸集夢得兼綜四路漕計以給饋餉軍用不乏故諸將得悉

力以戰詔加觀文殿學士移知福州兼福建安撫使海寇朱
明猖獗詔夢得挾御前將士便道之鎮遂平寇五十餘郡拜
崇信軍節度使致仕十八年卒於湖州贈檢校少保

宋史

王玠字介玉長洲人倜儻負氣節酒酣常舞劍爲樂徙居鄂州
黃庭堅謫官來鄂玠以文贄見大蒙稱賞庭堅贈以詩由是
有聲江湖閒紹興初孔彥舟爲舒蘄鎮撫使奏爲幕屬初權
邦彥知東平彥舟隸麾下因事叛去及聞邦彥簽書樞密心
自不安又宣州韓世清伏誅及韓世忠自湖外破劉忠俘馬
友順流東下彥舟疑其圖己遂有異志問計於玠玠正色荅
之曰總管被命鎮撫二州任優祿厚豈可負朝廷自陷不義

諭以順逆凡數百言彥舟怒囚之越數日復問之玠曰君不能與韓公爭先立功以報君父乃甘心與逆賊爲比而慮其見圖苟欲富貴能建大勲於國家則可何獨北虜能富貴人哉君誠欲反幸先殺我孰謂王玠而從賊邪彥舟竟沈玠於龍眼磯與妻子俱死時紹興二年六月十三日也彥舟旣殺玠引兵北降劉豫初玠赴彥舟之辟或止之玠曰吾慮之熟矣彼方駐兵於此姑爲鄉井計倘能息其暴戾固非玠一身之計也及被害鄉人悲其志爲立廟磯上周燔賦哀詞刻石

焉盧志

胡元質字長文長洲人父珣治生大穰所親爲之宰負金萬數

珣焚其書待之如常元質少穎悟尚行義未冠游太學紹興十八年進士第初寓臨安聞鄰有貧士夜哭乃爲人責償鬻其女與別元質慨然垂橐予之光宗卽政以薦爲太學正歷秘書省正字校書郎禮部兼兵部遷右司侍經帷直史筆參掌內外制給事黃門知貢舉嘗極論人主一言一動不可不謹至累百言帝書之座右恩眷特厚爲書王褒聖主得賢臣頌及親製大才論以賜出守和州太平建康皆有政績淳熙中爲四川制置使知成都奏減蜀鹽虛額錢大略謂鹽井重額沈痼百姓垂五六十年蓋蜀鹽取之於井山谷之民相地穿鑿深至六七十丈幸而得泉以石甃砌大者方五六尺以

木革爲囊數十人引大繩汲取之自子至午泉派漸竭乃絕人入井以手掬取投之于井引繩而上此數十人晝夜號呼推車挽繩不得停息然後得水入竈燒煎成鹽比東南煮海與陝西解池工力百倍又有小井謂之卓筒大不過數寸深亦數十丈以竹筒設機抽泉窮日之力所得無幾鹽戶窮困可以概見解池則不須煎煮止於池旁各分畦壟導水而入一文得風並皆凝結鹹水之在江海既無限量又省工役故其鹽沛然有利無害四川產鹽地分除大寧監依山崖開鹹泉流出若小谿澗稍易分結燒煎其他州縣皆係鹽井汲泉煎煮大段費力簡州鹽額最重虛額尤多由是每歲計豁除

折估錢五萬四千九百餘貫又請蠲夔路九州民間歲置金銀重幣蜀人德之關外西河階成鳳四州所聚民兵謂之忠勇皆以土兵爲之先是虞允文團結二千九十四人其後不能增募元質奏令四州守臣添招仍立賞格詔每州各先募五百人又奏唐之季年吐蕃寇至必入黎文南詔寇至必入沈黎吐蕃南詔合入寇必出灌口其黎文兩州去成都尚千里關隘險阻足以阻隔惟灌口一路去成都止百里又皆平陸朝發夕至大率沿邊諸州城資堡砦以爲蔽堡砦賴州城以爲援惟威茂兩州其堡砦參錯於中州城孤立於外而屬部蕃落周分環據二三百里之間官路僅留一線達於兩州

若邊事不寧孤城坐見隔絕所奏利害似此者尚多元質吳中舊居卽程公闢南園故址旣歸杜門自適奉祠逾六七年以正奉大夫敷文閣學士吳郡侯致仕卒年六十三贈金紫光祿大夫少師謚獻惠平居未嘗疾言厲色及評人短長或告以人之傾己輒俯首欲寐好善樂施家貲多推予諸弟人皆義之

盧志

林樸字伯振長洲人乾道中與弟琰同舉進士爲長興簿知武昌縣嘗云交代有子孫之契不宜交惡金穀倘有虧欠當卽與交頭無令滯其批書時人稱其長厚琰字玉圭善篆書

盧志

黃由字子由長洲人弱冠有聲太學淳熙八年進士第一時甘昇爲入內押班用事二十年招權市賄與曾覲王抃相盤結由對策及之吳自設科以來由始冠多士授南安軍簽判秩滿通判紹興府往新嵒督行荒政由改糶爲賑擅發米五萬石予民不取其直除正字遷著作佐郎使金還遷將作監嘉王府贊讀紹熙五年孝宗疾亟光宗不能視疾人情益懼由請嘉王過重華宮問安孝宗爲感動寧宗卽位累擢權禮部尚書兼吏部將大用矣會知綿州王沆朝辭乞詔廟堂銓選若嘗受僞學薦舉陞改及衆論指爲僞黨者籍記姓名且與勿用由奏謂人主不可待天下以黨與不必置籍以示不廣繼擢沆利路轉運判官由亦出知成都殿中侍御史張巖奏

由阿附權臣植立黨與遂以雜學士奉祠嘉定初知紹興府浙東安撫使聞岷縣昔有虎患訛言謂虎歲久有神變化叵測或為僧形或為獾狙儻忽莫可蹤跡由禱於神厚賞募人捕之殄滅無遺種民賴以安三年除刑部尚書兼直學士院官至正奉大夫自號盤野居士卒贈少師

盧志

顏直之字方叔世為長洲人生而端厚穎悟好讀書以弓矢應格差監省倉即丐祠養親主管建昌軍仙都觀自號樂閒居士作退靜齋幅巾危坐焚香撫琴意泊如也平生施與尤樂以藥石濟病賴以全活者甚眾工小篆得詛楚文筆意所著有集古篆韻二十卷瘍醫方論外科會海瘍醫本草等書年

五十一以嘉定十五年卒子汝勛字元老有清行好為詩亦工篆籀以表兄少傅趙師貢郊恩奏得官累至朝散大夫

盧志

阮登炳字顯之其先由閩徙吳遂為長洲人世習禮記淳祐六年與計偕咸淳初免上南宮以亮陰賜狀元恩例授承事郎紹興府簽判福王府教導官改承議郎秘書省正字以論公田抗言迂眾斥予宮觀自號菊存居士閱二載起為建寧府添差通判入為秘書省校書郎秘書監丞權少監陞秘書監官至朝請郎元兵取臨安隨例入燕以疾還鄉里年八十二

卒

盧志

姚原字子東長洲人七歲而孤自知讀書舉進士以詞賦稱再

試不合輒棄去曰窮達有分名不我遂命也由是絕意仕進
務著述號北窗居士所著有纂元五十卷洞微經六卷次韻
李瀚蒙求三卷及剡溪叢語玉林瑤編易素等書其詩尤工
云朱思銘

元

俞元燮字邦亮長洲人少貧養母甚孝通蔡氏書傳博采羣說
作集傳十卷或問二卷郡校士子以專經師之嘗謂其徒曰
宋亡舉子餘習非經本旨文極則反質矣朝廷取人材於斯
文必求諸義理之實乎未幾延祐科舉詔下多如所云而元
燮於省試不屑也皇甫長洲志

袁易字通甫五世祖珣宋京西提刑南渡時葬於吳曾祖璣始
家長洲之蛟龍浦易不樂仕進東平徐公持部使者節聞其
名延見與語大悅將薦之力謝不可徐公益賢之已而行中
書省署石洞山長乃就職既歸卒隱弗仕即所居西偏為堂
曰靜春壅水成池周於四隅池上累石如山堂中有書萬卷
悉手所校客至縱飲劇談留連竟夕乃已少敏於學蘊積之
素一發於詩吳興趙公嘗畫袁安卧雪圖以遺之曰予作此
圖正以通甫好修之士景慕其高節爾卒年四十五黃潛墓誌
有詩四卷子泰字仲長孫養福字能伯皆有詩名兼精書法

縣志

陸德原字靜遠長洲甫里人天隨先生之後好學博古尊師敬友雖貧贍力給謙恭若出諸生之下憤甫里之學不傳作義塾於城南祠天隨子撥良田千畝以給學徒遣重幣迎名儒龔璠柳貫為之師中書省予額曰甫里書院署德原為山長長洲縣學久廢德原以已貲重建秩滿陞徽州路學教授徽學亦久廢又將以已貲新之市材於吳屬疾卒年五十九家有杞菊軒人稱為杞菊先生

本玉山草堂雅集及黃潛墓誌

浦源長洲人至正間仕至大中大夫廣平路總管輕車都尉封京兆郡侯初未聞其有文學名嘗於景德寺旁見一石刻乃源為同僉阿札刺室人童氏祠記其文宏博怪特字畫遒勁

足為名家

姑蘇志

邊景元字長卿宋朝奉大夫珣八世孫自幼端謹喜讀書以累世明於春秋嘗指堂扁世麟二字以示子孫曰此宋丞相文天祥手書以美吾祖者也吾子孫可忘其家業乎元初由青陽教諭轉處州路學錄廷臣交薦為國子伴讀以病辭居鄉里敎生徒會長洲邑庠久廢勸說郡之巨家度材庀工大興建焉子昌字伯盛隱居敎授從游遠至張氏據吳以禮招致誓死弗就

盧志

吳淳字伯善長洲人讀書敏行少與兄同居兄以疾廢伏枕幾二十年元季吳中被兵家人悉奔潰淳獨侍兄不去有操刃

入室者淳負兄倉皇走避復遇亂兵十餘交刺淳以身蔽兄
被三十餘創昏仆於地兄竟兵死淳稍蘇遂入秦餘杭山鬻
墨以終姑蘇志

明

高啓字季迪長洲人博學工詩張士誠據吳啓依外家居吳淞
江之青邱洪武初被薦偕同縣謝徽召修元史授翰林院國
史編修官復命教授諸王三年秋帝御闕樓啓徽俱入對擢
啓戶部右侍郎徽吏部郎中啓自陳年少不敢當重任徽亦
固辭乃見許已並賜白金放還啓嘗賦詩有所諷刺帝嫌之
未發也及歸居青邱授書自給知府魏觀為移其家郡中旦

夕延見甚歡觀以改修府治獲譴帝見啓所作上梁文因發

怒腰斬於市年三十有九明初吳下多詩人啓與楊基張羽

徐賁稱四傑以配唐王楊盧駱云明史

傅著字則明長洲人洪武初召修元史史成歸為常熟教諭魏

觀行鄉飲酒禮長洲教諭周敏侍其父南老著侍其父玉皆

降而北面立觀禮者以為盛事焉歷官知府卒明史 姑蘇志

試乙榜卒官潞州知州有味梅齋集按諸志皆作常熟人今從明史

謝徽字元懿長洲人洪武初召修元史史成授翰林國史院編

修尋擢吏部郎中力辭不拜歸復起國子助教卒徽博學工

詩文與同邑高啟齊名弟恭字元功亦能詩明史

申屠衡字仲權長洲人少從楊維禎學春秋為古文有法元季
不仕自號樹屋備洪武三年徵至京草諭蜀書稱旨授翰林
修撰以病免尋謫居濠上卒所著有叩角集同時有陶琛字
彥珩者亦有文學洪武初以薦為儒學官志尚高潔工古篆
書多得籀法子繼字承伯枝江知縣亦有能書名姑蘇志

劉以禮字德讓其先汴人祖順之仕平江路權茶提領因家於
蘇以禮學識該博儀狀偉然洪武初以明經薦授沛縣儒學
教諭時學徒久廢以禮力以興舉為已任乃舉鄉人張倫為
訓導協心教之多所成就沛學至今祀之姑蘇志

宋克字仲溫長洲人

志云家南宮里號南宮生高啟為作傳

偉軀幹博涉書史少

任俠好學劍走馬家素饒結客飲博迨壯謝酒徒學兵法周
流無所遇益以氣自豪張士誠欲羅致之不就性抗直與人
議論期必勝援古切今人莫能難也杜門染翰日費十紙遂
以善書名天下時有宋廣字昌裔亦善草書稱二宋洪武初

克任鳳翔同知卒

明史

張適字子宜長洲人父澤元海道萬戶府總管適十歲能賦詩
彈琴時稱奇童嘗以詩經應江浙鄉試元季天下亂遂隱居
不仕洪武初以秀才召擢水部郎中病免後復以明經薦授
廣西布政司理問所提控案牘調滇池魚課司大使考滿改
宣課司大使卒適博學工詩文與高楊齊名所著有樂圃江

館南湖滇南甘白諸集孫祝宣德閒由進士除大理評事正
統初上疏言畿甸旱蝗乞暫停征稅放免匠役蠲除倒斃馬
匹以甦民困後坐事左遷處州知州陞大理寺左正保定知
府致仕卒

姑蘇志

沈應字德乾郡人洪武中應求賢詔選入文華堂說書除江西
布政司參議母喪服闋改山東卒應善為詩所著有東礪集

姑蘇志 明一統志作沈德長洲人

虞堪字克用一字勝伯宋丞相允文諸孫後家長洲隱居行義
不樂仕進家藏書甚富多手自編緝其詩清順則麗閒寫山
水亦有思致雅重先世手澤聞有雍公遺文雖千里外必購

得之乃已其從祖伯生遺稿亦堪所編

姑蘇志

洪武中為雲南

府學教授卒於官

列朝詩集

王賓字仲光長洲人博綜文集經史諸子歷數兵政百氏小說
靡不該貫於醫書尤精不肖與富貴人醫里巷貧窶及方外
士求醫者趣往診視施與藥餌貌甚寢又以藥點其面及肘
股皆成創髮兩角短衣芒屨行市井閒或箕踞道旁露肘腋
爬癢人見而惡之縉紳知其賢亦莫敢薦平生不娶奉母極
孝郡守姚善賢而造之映門語曰勿驚老母踰牆逸去他日
却騎從獨候門下始妾焉據坐受拜若師弟子守欲薦之終
不敢發言年七十先母卒病革抱母不舍死半晌復蘇呼母

連聲始絕葬後夜二鼓室中曳履拄杖連呼孃孃母應之曰
我在此復曰孃孃兒舍孃孃不得母痛哭既久乃息自號光
菴所著有光菴文集吳中名賢紀錄吳下古蹟詩

姚廣孝傳
姑蘇志合

纂

劉敏字孟功以禮子學行純篤少隨父於任凡可以悅親者為
之惟恐不及親歿久言及輒淚下仲弟敬久嬰疾藥餌必手
治弗假僕從士有寒而來歸者周之不厭有司聞其賢薦授
德清令鋤強植善民甚懷之後以善書徵入翰林擢中書舍
人朝士多推重之修撰張洪嘗為文贈之曰南北宦游來京
者所稱許必曰孟功有不知孟功者蓋非賢也其重之如此

卒年七十八

姑蘇志

劉政字仲理敏弟聰明力學明春秋建文元年方孝孺主應天
鄉試以託孤寄命為題得政卷曰此鳥中孤鳳當虛左待之
擢第一燕兵起感慨不食草平燕策將上之卧疾未得行數
問其家人燕兵得無渡江乎家人秘不以告京師既定久乃
知之怒其家人不早言頓足榻前嘔血死

文震孟姑蘇名賢
小紀朱國禎遜國

臣傳
合纂

趙友同字彥如長洲人系出宋南陽侯父良仁工醫在藝術傳
友同沈實溫雅有行誼自少篤學嘗從宋濂游洪武末授華
亭學訓導永樂初滿考當遷會姚廣孝言其深於醫遂授太

醫院御醫又有言其知水事者詔從夏原吉治水浙西其後大臣數薦其文學及修永樂大典遂用為副總裁又與修五經四書性理大全書成當遷翰林以母喪去卒於家弟友泰子季敷孫同魯俱世其學姑蘇志

梁時字用行始家吳江遷長洲博學工文章以氣格為主不事纖麗亦善筆札洪武中用薦授岷府紀善遷翰林典籍修永

樂大典充副總裁有噫餘集姑蘇志

王汝玉名璫以字行其先蜀之遂寧人六世祖極宋吏部侍郎僑居吳中遂為長洲人父立中字彥強元末老儒仕開化慈谿二尉陞紹興路治中歷知無錫嘉定二州進知松江府明

初致仕有文學善畫汝玉穎敏強記年十七中浙江鄉試洪武末以薦攝郡學教授應天府學訓導擢翰林五經博士永樂初進檢討再進春坊贊善預修永樂大典仁宗在東宮特深眷注嘗與學士解縉應制撰神龜賦汝玉第一名大振然忌者多竟以他事下獄死洪熙初追贈太子賓客諡文靖遣官祭於其家汝玉為文兼古今體製而賦尤瞻麗詩語雋永得唐人風格舉筆數千言頃刻立就所著有青城山人集弟璫字汝嘉少坐累謫戍五開後舉明經為武昌府學訓導陞大庾教諭永樂初召修永樂大典又修五經四書性理大全書成留為五經博士進侍講主應天廣東西鄉試各一會試

禮部三洪熙初開弘文館命楊溥陳繼及璉日直其中禮遇甚隆宣德元年卒璉文章不及汝玉而理致為勝制行醇篤楊士奇尤重之汝玉兄璉字汝器洪武壬子簡會試七十八人授編修使肄業文華堂命宋濂為師璉在選中後為吏部主事卒所著有錦江類稿文學不減二弟以早卒不甚著姑蘇志

戴君用長洲人父福之洪武中因監稅失火法當死君用身代父刑其妻吳氏守節旌表姑蘇志

沈伯剛長洲人本孟姓自少為母姨夫沈勝五後勝五坐事當誅年且老伯剛願代死勝五不許伯剛固欲代之時年方

十七臨刑太祖怪其少問故特赦之又有朱昱亦長洲人父當遠戍老不能行而兄先逃去昱年十六請代往有司少之欲追逮其父兄昱備極笞楚固請代之部使者憐之改留蘇

衛姑蘇志

尤安禮字文度長洲人父義字從道元末辟樞密掾遭亂屏居二十年洪武中舉人才授湖廣布政司經歷以廉謹稱著元史緝要藏於家安禮尤淳厚少從父寓武昌與楊士奇楊翥友善以德業相勵歸補縣學生嘗行委巷邂逅一姝若將獻笑者安禮亟引去後不復由是路同學生陳某當遠戍泣告安禮吾必不生還妻當弗能守奈幼女何安禮曰我在子勿

慮已而陳果死安禮贈其妻得守節安禮無子以弟之子為
 後聘其女弟以女有疾難之曰吾豈食言於亡友卒娶之建
 文元年舉鄉薦授崇安教諭秩滿諸生詣闕請留上命增秩
 還任尋擢武庫郎中楊翥薦為祭酒辭以尠學改授都御史
 又辭才弱乃授貴州參議謝病歸貧甚不給朝夕知府况鍾
 入朝楊士奇問安禮起居鍾謝不知及歸往候見所居隘陋
 欲割官地益之堅謝不受卒老死陋巷中孫淳字公厚景泰
 癸酉舉人為平陽教諭遷知鉛山縣改永年居官廉慎致仕
 歸卒 姑蘇志參名賢小紀

俞士悅字仕朝長洲人永樂乙未進士擢御史陞湖廣副使綱

紀振肅貪濁悉自引去民居不戒於火延及臬署僚屬皆奔
 避士悅具衣冠向火再拜風徐返火滅歲旱有司用道家法
 焚蛇磔燕而旱彌甚亟命屏去乃齋沐露禱得雨連三日秩
 滿陞浙江參政初至佯若不解事者羣吏易之越三日發奸
 擿伏如神豪猾破膽正統壬戌倭寇犯境士悅城汴澉二浦
 以備至今賴之尋陞河南右布政使甫三日陞大理寺卿已
 已之變陞右都御史留守京師協都督衛穎率師六萬守德
 勝安定二門士悅晝夜籌畫甲冑未嘗去體事平陞刑部尚
 書進太子太保天順改元謫戍遼東成化初赦還復其官卒
 年八十士悅儀表魁岸面色如鐵聲如洪鐘不類南產平生

剛方侃侃見者畏服

姑蘇志

李蕡字茂實長洲人永樂乙未進士除兵部武選司主事歷員外郎中在武選二十年受知於尚書方賓陞太僕少卿靖遠伯王驥征麓川奏蕡為佐俄丁父憂詔起復視事事竣陞工部侍郎始乞持服服闋以兵部尚書鄺埜薦改兵部侍郎卒於官蕡勤敏有吏材習知兵事所在著聲性沈厚不苟居鄉里未嘗以貴加人每出必步過里門上馬終其身如一日同時有劉紹字繼初吳縣人永樂丙戌進士歷兵部郎中廣西副使時稱劉司馬亦以厚德稱蕡妻之父也

姑蘇志參用王志堅校本

沈澄字孟淵長洲人家素封讀書尚義嘗以人材徵赴京師試

事大府將授官以疾乞歸周文襄巡撫吳中訪以時政多所施行澄雅善詩尤好客海內知名之士無不造之所居曰西莊日治具燕賓客詩酒為樂人以顧仲瑛擬之翰林金問坐事繫獄十年衣食之需皆澄周之問嘗謂人曰吾微孟淵為瘼鬼矣年八十八終子貞吉號南齋恒吉號同齋父子相戒不仕以耕讀自娛能詩工畫兄弟自相倡和下至僮僕皆諳

文墨

姑蘇志參杜瓊集

趙文字宗文長洲人洪武中舉人材以母老歸養永樂五年以薦知鄱陽縣不阿權倖坐謫久之歸卒文淳厚強毅老而持度愈嚴鄉里稱篤實君子所著有慎獨齋集理學述言弟宗

禮丙子鄉舉官至兵部郎中

姑蘇志

孔友諒長洲人永樂十六年進士改庶吉士出知雙流縣宣宗初上言六事一曰守令親民之官古者不拘資格必得其人不限歲月使盡其力今居職者多不知撫字之方而廉幹得民心者又遷調不常差遣不一或因小事連累朝夕營治往來道路日不暇給乞敕吏部擇才望素優及久歷京官者任之諭戒上司毋擅差遣假以歲月責成治效至遠缺佐貳多經裁減獨員居職或遇事赴京多委雜職署事因循苟且政令無常民不知畏今後路遠之缺常留一正員任事不得擅離庶法有常守二曰科舉所以求賢必名實相副非徒誇多而已今秋闈取士動一二百人弊旣多端僥倖過半會試下第十常八九其登第者實行或乖請於開科之歲詳核諸生行履孝弟忠信學業優贍者乃許入試庶浮薄不致濫收而國家得真才之用三曰祿以養廉祿入過薄則生事不給國朝制祿之典視前代爲薄今京官及方面官稍增俸祿其餘大小官自折鈔外月不過米二石不足食數人仰事俯育與道路往來費安所取資貪者放利行私廉者終窶莫訴請敕戶部勘實天下糧儲以歲支之餘量增官俸仍令內外風憲官採訪廉潔之吏重加旌賞則廉者知勸貪者知戒四曰古者賦役量土宜驗丁口不責所無不盡所有今自常賦外復

蘇州府志

有和買採辦諸事自朝廷視之不過令有司支官錢平買而無賴之輩關通吏胥壟斷貨物巧立辨驗折耗之名科取數倍姦弊百端乞盡停採買減諸不急務則國賦有常民無科擾其二事言汰冗員任風憲言者多及之不具載宣德八年命吏部擇外官有文學者六十八人試之得友諒及進士胡端禎等七人悉令辦事六科居二年皆授給事中惟友諒未授官而卒

明史 姑蘇志友諒知雙流縣時民初未知學友諒拔其秀者親為講解士習稍變科第多得人鄰縣有劇寇過雙流友諒行境上掩捕之

仰瞻字宗泰永樂辛卯領鄉薦授虎賁右衛經歷洪熙初遷大理寺副嘗辨神武衛卒毛拜兒冤獄活數十人楊士奇薦為

左寺丞正統中王振用事百司奔走其門振生日公卿皆至為壽瞻獨不往振銜之邏卒與蔚州衛兵沈榮有怨誣榮通二寡婦呪殺其夫獄具瞻駁之卒訴諸振言於上并逮辨勘官下錦衣獄窮治竟殺榮等大理卿薛瑄等罷降有差瞻獨謫戍大同凡七年景泰初召為右寺丞持法益堅久之眾寢不悅遂辭歸加少卿致仕瞻尤篤長者之行有夏時建中者為郡學訓導瞻嘗師之後經其門必下馬而趨人竊窺之雖暮夜亦然所著有小學講義歸休文集

姑蘇志參壽藏記

劉鉉字宗器長洲人生彌月而孤及長割股療母疾母卒哀毀以孝聞永樂中用善書徵入翰林舉順天鄉試授中書舍人

宣德時預修成祖仁宗實錄遷兵部主事仍供事內廷正統中再修宣宗實錄進侍講以學士曹鼐等薦與修撰王振教習庶吉士景帝立進侍講學士直經筵三年以高穀薦遷國子祭酒時以國計不足放遣諸生不願歸者停其月廩鉉言養才國家急務今倉廩尚盈奈何靳此遂得復給又令甄別六館生年老貌寢學藝疎淺者斥爲民鉉言諸生荷教澤久豈無片長况離親戚棄墳墓艱苦備至一旦被斥非朝廷育才意乞揀年貌衰而有學者量授之官帝可其奏尋以母喪歸服闋赴都陳詢已爲祭酒帝重鉉命與詢並任天順初改少詹事侍東宮講讀明年十月卒帝及太子皆賜祭賻贈有

加憲宗立贈禮部侍郎諡文恭鉉性介特言行不苟教庶吉士及課國子生規條嚴整讀書至老彌篤

明史

徐備字輔德長洲人永樂辛卯舉人授安吉訓導擢兵科給事中封駁無所避陞湖廣按察僉事歷湖廣右參政備平生厚德長者同郡潘純字粹中徐傑字以立周賢字用希郭璘字孟潤陸嗣昌字宗盛居官爲政皆清介醇謹而望亞於備

姑蘇志

趙忠字行恕長洲人宣德五年進士由庶吉士授監察御史出按四川時松潘寨商巴刺麻叛忠率兵入其巢開示禍福其黨悉潰已劾邊將激擾之罪罷之邊境以寧再按浙江清軍

廣東擢陝西參議進雲南參政邁疾歸卒年五十六忠操履
 端謹久任憲職囊無餘貲其歸也族子弟已賣其居忠攜家
 累無所歸其友朱名仲假餘屋以居既卒喪不能舉名仲復
 偕友倡助以襄厥事忠同年進士柳華同為御史終按察副
 使名亞於忠

姑蘇志參
馬中錫誌

劉溥字原博長洲人祖彥敬父士賓皆以醫得官溥八歲賦溝
 水詩時目為聖童長侍祖父遊兩京研究經史兼通天文歷
 數宣德時以文學徵有言溥善醫者授惠民局副使調太醫
 院吏目恥以醫自名日吟咏為事其詩初學西崑後更奇縱
 與湯允勣蘇平蘇正沈愚王淮晏鐸鄒亮蔣忠王貞慶號景

泰十才子溥為主盟

明史

所著有草窻集

姑蘇志

鄒亮字克明長洲人善屬文才思藻麗受知巡撫周忱正統初
 郡守况鍾薦其才擢吏部司務轉都察院司務遷監察御史
 為人謙謹酷嗜書積至千餘卷手自抄錄讐校所著有鳴珂
 漱芳等集二十餘卷又撰詩宗韻海未成卒弟順字克和宣
 德乙卯以春秋中順天鄉試授工部主事改刑部員外郎郎
 中遷辰州知府致仕卒為人坦夷無他腸所著有學言稿

姑蘇志

蘇

顧瞻字德明長洲人父吳字順中受易於鄉儒周傳永樂二十
 二年登進士未授官卒當時從吳受經者甚眾而賀廉孔友

諒顧恂輩皆中魁選吳中易學實始於吳以上姑蘇志 瞻正統丙

辰進士選庶吉士授行人擢御史出理山東長蘆鹽法宿弊

頓革再巡山東自布政使以下不職者輒劾退不少假借都

御史王文移文御史凡出巡者當以瞻為法歲滿吏民奏留

一年從之遷福建副使為姦民所誣調知贛州府長河洞氓

屢出劫掠瞻率兵勦平之詔賜金綺瞻有治才遇事裁決不

動聲氣聽訟民莫敢欺以老乞歸卒年八十五以上吳寬子所撰墓碑

餘慶成化壬辰進士官至河南參議通志

祝顥字惟清長洲人正統四年進士內侍傳旨試能文者四人

顥與焉入掖門知欲令教小內豎也不試而出授刑科給事

中建白務持大體嘗奉命檢察在京寺觀無額者有青龍寺

在檢中僧稱密旨所建卒奏毀之景泰閒陞山西左叅議遷

右叅政時北虜擾邊公私困竭顥規畫久之倉廩皆滿汾州

有妖人作亂稱王年號天福顥馳赴擒十六人而攀援及千

人欲為簡釋三司難之顥執不可卒以實聞以邊郡少文民

不知義為博延儒士教導之表洪洞縣臯陶墓祠裴晉公趙

忠簡於聞喜程伊川於澤州改金人所塑先聖像之左社者

成化初乞歸顥吏材精敏詩文典瞻言論動引經傳聞者聳

然卒年七十九所著有侗軒集姑蘇志參墓誌表

劉珏字廷美長洲人少時知府况鍾推擇為吏謝不願願得補

諸生鍾許之正統戊午舉鄉試以才薦授刑部主事歷官山西按察僉事年甫五十卽致仕歸珏修身篤學動師古人初在刑部有莆田縣丞督賦侵漁事覺當訊以黃金二百兩託所親賂之珏斥去遂致於理居憂時無錫知縣某受賕繫獄知珏與當道善密遣人齎五百金求解珏曰爾主欲雪己而浼我邪不亟去當執之於官事母篤孝女兄少嫠子幼迎歸買田養之終身為詩尤長七言對偶清麗當時稱爲劉八句書法出吳興畫師王叔明所著有完菴集王志堅府志稿

韓雍字永熙長洲人正統七年進士授御史負氣果敢以才畧稱錄囚南畿碭山教諭某答膳夫膳夫逃匿父訴教諭殺其

子取他兒支解以證旣誣服雍蹤跡得之白其寃出巡河道已巡按江西黜貪墨吏五十七人廬陵太和盜起捕誅之十三年冬處州賊葉宗留自福建轉犯江西官軍不利都督僉事陳榮指揮劉鎮遇伏死詔雍及鎮守侍郎楊寧督軍民協守會福建巡按御史汪澄牒鄰境會討賊鄧茂七俄以賊議降止兵雍曰賊果降退未晚也趨進賊已叛澄坐得罪死人以是服雍識景泰二年擢廣東副使大學士陳循薦爲右僉都御史代楊寧巡撫江西歲饑奏免秋糧劾奏寧王不法事王府官皆得罪時雍年甫三十赫然而才望所規畫措置咸可爲後法天順初罷天下巡撫官改山西副使寧王以前憾

蘇州府志 卷五十五
劫其擅乘肩輿諸事下獄奪官起大理少卿尋復爲右僉都御史母憂起復巡撫宣府大同議事入覲帝壯其貌留爲兵部右侍郎憲宗立坐學士錢溥累貶浙江左參政廣西猺獞流剽廣東殘破郡邑殆徧成化元年正月大發兵拜都督趙輔爲總兵官以太監盧永陳瑄監其軍兵部尚書王竑曰韓雍才氣無雙平賊非雍莫可乃改雍左僉都御史贊理軍務雍馳至南京集諸將議方畧先是編修邱濬上書大學士李賢言賊在廣東者宜驅在廣西者宜困欲宿兵大藤峽扼其出入蹂其禾稼期一二年盡賊賢善之獻於朝詔錄示諸將諸將主其說請令遊擊將軍和勇率番騎趨廣東而大軍直

趨廣西分兵撲滅雍曰賊已蔓延數千里而所至與戰是自敝也當全師直搗大藤峽南可援高肇雷廉東可應南韶西可取柳慶北可斷陽峒諸路首尾相應攻其腹心巢穴旣傾餘迎刃解耳舍此不圖而分兵四出賊益奔突郡邑益殘所謂救火而噓之也衆曰善輔亦知雍才足辦賊軍謀一聽雍等遂倍道趨全州陽峒苗掠興安擊破之至桂林斬失機指揮李英等四人以徇按地圖與諸將議曰賊以修仁荔浦爲羽翼當先收二縣以孤賊勢乃督兵十六萬人分五道先破修仁賊窮追至力山禽千二百餘人斬首七千三百級荔浦亦定十月至潯州延問父老皆曰峽天險不可攻宜以計

困雍曰峽延廣六百餘里安能使困兵分則力弱師老則財
匱賊何時得平吾計決矣遂長驅至峽口儒生里老數十人
伏道左願爲嚮導雍見卽罵曰賊敢給我叱左右縛斬之左
右皆愕旣縛而袂中利刃出推問果賊也悉支解剗腸胃分
挂林箐中纍纍相屬賊大驚曰韓公天神也雍令總兵官歐
信等爲五哨自象州武宣攻其北身與輔督都指揮白全等
爲八哨自桂平平南攻其南參將孫震等爲二哨從水路入
而別分兵守諸隘口賊魁侯大狗等大懼先移其累重於桂
州橫石塘而立柵南山多置滾木礮石鏢鎗藥弩拒官軍十
二月朔雍等督諸軍水陸並進擁團牌登山殊死戰連破石

門林峒沙田右營諸巢焚其室廬積聚賊皆奔潰伐木開道
直抵橫石塘及九層樓諸山賊復立柵數重憑高以拒官軍
誘賊發矢石度且盡雍躬督諸軍緣木攀藤上別遣壯士從
間道先登據山頂舉礮賊不能支遂大敗先後破賊三百二
十四砦生擒大狗及其黨七百八十八人斬首三千二百有奇
墜溺死者不可勝紀峽有大藤如虹橫亘兩厓閒雍斧斷之
改名斷藤峽勒石紀功而還分兵擊餘黨鬱林陽江洛容博
白次第皆定帝大喜賜敕嘉勞召輔等還遷雍左副都御史
提督兩廣軍務雍乃散遣諸軍以省饋餉而遺孽侯鄭昂等
遂乘虛陷潯州及洛容北流二縣雍發兵撲討應時破殄尋

以憂歸明年兩廣盜復起起復雍右都御史總督如故雍抵任遣參將張壽遊擊馮昇等分道討賊皆摧破之蠻民素懼雍威寇盜浸息九年柳潯諸蠻復叛參將楊廣等俘斬九百人方更進而賊破懷集縣兵部劾雍奏報不實廣西鎮守中官黃沁素憾雍抑己因訐雍且言其貪欲縱酒濫賞妄費帝遣給事中張謙等往勘而廣西布政使何宜副使張敷銜雍素輕己共醞釀其罪竟命致仕去雍洞達闔爽重信義撫江西時請追謚文天祥謝枋得有雄畧善斷動中事機臨戰率躬親矢石不目瞬自奉尊嚴三司皆長跪白事軍門設銅鼓數十儀節詳密裨將以下繩柙無所假兩地鎮守宦官素驕

恣亦惕息無敢肆疾惡嚴坦中不為崖岸揮斥財帛不少惜故雖令行禁止民得安堵而謗議亦易起為中官所齟齬公論皆不平兩廣人念雍功尤惜其去為立祠祀焉家居五年卒年五十七正德間諡襄毅

明史

顧昌字德輝長洲人正統間領鄉薦授襄城教諭陞淮王府長史轉思恩府同知為人清介絕俗平生未嘗受人一蔬之餽晚歲致仕家居詣人家誓不飲食留之輒起去雖遠去數里寧飢渴而歸其文章簡潔似其為人

姑蘇志

陳鑑字緝熙長洲人父潤謫戍蓋州道京師過其故人范叔瓚即以此鑑託之久之叔瓚家人不能容乃以貽道士王一居為

弟子一居命索債浙東乃從師受學債一無所問徒市書數
篋而歸一居奇之使卒儒業正統十三年進士及第授編修
景泰中充講官進修撰天順初奉使朝鮮遷侍讀修英宗實
錄成進侍讀學士未幾命為祭酒初國子月給錢為會饌費
然斂散不常多不時給則貯為公費其來已久會有不快於
前祭酒邢讓者言讓以公錢入己事并及鑑會官廷問讓辨
不已鑑曰吾為祭酒安能對刀筆吏掉口舌竟不吐一辭適
有從中醞釀之者與讓俱除名未幾卒鑑平生無聲色之奉
多藏法書名畫其使朝鮮以妓女侍作詩却之夷人敬服所
著有方菴集

姑蘇志

王肄字敏道長洲人受學於陳繼正統中以賢良舉為安吉縣

丞辭官歸授徒為業父穆字仲遠築東郭草堂讀書不仕王

汝玉嘗為記博識古今吳中宿儒也

列朝詩集

練綱字從道長洲人祖則成洪武時御史

王志堅稿作祖墳字則成洪武中舉明經

授春坊司直嘗劾大臣不法事上嘉之改河南道御史出為雲南廣西推官為其下所毒死綱舉鄉試入

國子監歷事都察院郟王監國上中興八策也先將入犯復

言和議不可就南遷不可從有持此議者宜立誅安危所倚

惟于謙石亨當主中軍而分遣大臣守九門擇親王忠孝著

聞者令同守臣勤王檄陝西守將調番兵入衛帝悉從之綱

有才辨急功名都御史陳鑑尚書俞士悅皆綱同里念綱敷

陳時政有聲且畏其口遂薦之授御史景泰改元上時政五事巡視兩淮鹽政駙馬都尉趙輝侵利劾奏之三年冬偕同官應詔陳八事並允行亡何復偕同官上言吏部推選不公任情高下請置尚書何文淵右侍郎項文曜於理尚書王直左侍郎俞山素行本端爲文曜等所罔均宜按問帝雖不罪終以綱等爲直時御史左鼎善爲章奏而綱以敢言名京師語曰左鼎手練綱口自公卿以下咸憚之明年命出贊延綏軍務自陳名輕責重乞授僉都御史帝曰遷官可自求邪遂寢其命初京師戒嚴募四方民壯分營訓練歲久多逃或赴操不如期廷議編之尺籍綱等言召募之初激以忠義許事

定罷遣今輾轉輪操已孤所望況其逃亡實迫寒餒豈可遽著軍籍邊方多故倘更召募誰復應之詔卽除前令五年巡按福建與按察使楊珏互訐俱下吏謫珏黃州知府綱邠州

判官久之卒

明史

邢量字用理隱居葑門以醫卜自給性狷介不娶與人無將迎足跡不出里門不畜奴婢敝屋三間青苔滿壁折鐺敗席蕭然如野僧長日或不舉火客至相與清坐而已其學自經史外凡釋老方技之說無所不通室中卧榻之外皆藏書並手自校定或叩之信手舉似不事翻檢文章古簡亦不苟作同邑沈誠字希明生稍後隱操亦高雖居通衢鄰里莫識其面

朝士有欲過之者固謝不納誠博學問無不知然短于著述故無所傳云

姑蘇志

朱瑾字良德其先山東人以功授蘇州衛指揮遂為郡人瑾出武胄能勤苦讀書與儒生埒都督翁紹宗守三吳將薦之瑾辭曰兄既守官當勉力家事使兄無內顧不敢以菲薄叨一命徐有貞韓雍祝顥輩皆與交家有天光雲影亭俯葑溪清勝可愛每宴會詩酒留連往往至達旦有貞之歸也日奉以遊山水酒饌絲竹之費傾家不吝有貞長短句數闋皆與游

時所作自號玉雪人稱玉雪朱公子

王志堅府志稿

孔鏞字韶文友諒子景泰五年進士知都昌縣分戶九等以定

役設倉水次便收斂民甚賴之以弟銘尚寧府郡主改知連山徭獠出沒鄰境縣民悉竄鏞往招之民驚走鏞炊飯民舍留錢償其直以去民乃漸知親鏞相率還鏞慰勞振恤俾復故業教以戰守道路漸通縣治遂復都御史葉盛征廣西以鏞從諸將妄殺者鏞輒力爭所全活甚眾成化元年用葉盛等薦擢高州試知府前知府劉海以徭警閉城門白護鄉民避徭至者輒不納還為徭所戕又疑民陰附賊輒戮之賊緣是激眾怒為內應城遂陷鏞至開門納來者流亡日歸城不能容別築城東北居之附郭多暴骸民以疫死復為義塚瘞焉時賊屯境內者凡十餘部而其魁馮曉屯化州鄧公長屯

茅峒屢招不就鏞一日單騎從二人直抵茅峒峒去城十里許道遇賊徒令還告曰我新太守也公長驟聞新守至亟呼其黨擐甲迎及見鏞坦易無騶從氣大沮鏞徐下馬入坐庭中公長率其徒弛甲羅拜鏞諭曰汝曹故良民迫凍餒耳前守欲兵汝吾今奉命爲汝父母汝我子也信我則送我歸資汝粟帛不信則殺我卽大軍至無遺種矣公長猶豫其黨皆感悟泣下鏞曰餒矣當食我公長爲跪上酒饌既食日且暮當止宿夜解衣酣寢賊相顧駭服再宿而返公長遣數十騎擁還城中人望見皆大驚謂知府被執來給降也盡登陴鏞止騎城外獨與羸卒入取穀帛使載歸公長益感激遂焚

其巢率黨數千人來降公長旣降諸賊次第納款惟曉恃險不服鏞選壯士二百人乘夜抵化州曉倉皇走匿獲其妻子以歸撫恤甚厚曉亦以五百人降已與僉事陶魯敗賊廖婆保他賊先後來犯多敗去境內大定上官交薦擢按察副使分巡高雷二府益招劇賊梁定侯大六鄧辛酉等給田產分處內地爲官備他盜廣西賊犯信宜岑溪皆擊敗之治績聞賜誥命旌異遭喪服除改廣西猺獞聞鏞至悉遠遁十四年兵部上其功賚銀幣尋進按察使已遷左布政使旋以右副都御史巡撫貴州清平部苗阿溪者桀驁多智其養子阿賴尤有力橫行諸部中守臣皆納溪賂驕不可制鏞行部至清

平詢得溪所昵者二人遂以計擒溪磔之并討平雞背苗羣蠻震懾鏞居官廉歷任三十餘年皆在邊陲觸瘴成疾乞骸

骨不許弘治二年召為工部右侍郎道卒年六十三

明史王志堅

稿曰初鏞幼孤貧甚有林昌者識之妻以女弟昌宋寓公槩之後授徒為業有醇德後以子符貴封御史以上壽終嘗自

杜庠字公序長洲人少從崑山張和學同輩忽之張曰此進士

才也不二年遂占應天鄉試登進士知攸縣頃之罷歸庠有

逸才嘗過赤壁題詩有驚人句人呼為杜赤壁仕不得志遂

放意詩酒往來湖浙間嬉笑怒罵咸發於詩所著有楚游集

江浙歌風

姑蘇志參列朝詩集

陳頎字永之長洲人景泰元年領鄉薦明年以乙榜授湖州府

學訓導內艱改荊州又以祖母喪改陽武年五十五乞致仕

頎博學工古文而清修介特其為師不立教條而人多感化

之湖州發地得奇石或謂可載歸為翫頎曰此固非吾家物

也棄不取在荊州太守錢公故人也知其貧贈一官馬他日

納還之曰受則傷廉亦為公汗少通醫及老亦資以自給所

著有味芝居士集

吳寬誌

李應禎名姓以字行更字貞伯長洲人景泰癸酉舉人入太學

中官牛玉請為塾師固拒之選授中書舍人直文華殿同官

多由他途以進恥與為伍乞改教官補外不許慶成宴中書

舍人坐給事中御史下應禎奏非舊制詔命寫佛經抗疏上言臣聞為天下國家有九經不聞有佛經也上怒命扑之後陞兵部郎中尚寶司卿再陞太僕寺少卿皆在南京引年致仕應禎好古博學篆楷俱入品格文詞簡健喜面折人過人多畏之卒之日無以為斂友人文林史鑑買地以葬焉姑蘇志參

列朝詩集

劉瀚字約之鉉子天順丁丑進士試政禮部頒詔至揚州峻拒餽金縉紳繪却金圖賦詩頌之授大理評事嘗奉敕錄京畿江西重獄平反四百餘人歷大理知府鋤強抑暴民甚安之遷陝西副使尋致仕居鄉十七年足不至公府年八十一卒

李東陽誌

同縣張翥字汝振亦丁丑進士由工部主事歷南京刑部郎中出知南昌府理冤獄發高安世豪毛姓縱火殺人罪又折服中官之乘傳橫索者歷河南參政雲南按察使致仕

王鏊誌

沈鐘字仲律長洲人天順庚辰進士終山東提學副使與章懋羅倫友善時稱十君子好賦詩多至萬餘首通志

陳震字起東長洲人少穎異數歲屬對警絕時目為奇童弱冠領鄉薦授濟陽訓導陞寧德教諭所至能率其職都御史張瑄薦於朝不報以例改江山縣卒震為人類簡率而清慎不苟居官三十年家猶赤貧先是震嘗受知於郡守朱勝後考

浙江鄉試其子懷金投之震峻拒不與見士論益高之姑蘇志

胡琮字文德成化丙戌進士知江陵縣遼王縱其下劫奪為民

患琮一繩以法王欲以利啗琮因饋食置金其中琮拒却之

乃相戒斂戢徵授御史坐言事謫麻城知縣遷常德同知嘗

署府事有大璫自滇還所在索賄笞繫官吏琮召邏卒聲言

欲檢視其橐璫懼亟引去他日有詔括諸郡金檄牒旁午琮

持不下僚屬懼得罪琮曰郡不產金又歲儉可加賦乎卽有

罪罪主議者不以累諸君也已詔罷不徵他郡先徵發者聞

之皆媿丁母憂服除為處州同知民有掘地得金沙中官欲

請開礦琮爭之不得抗疏言其害得免考滿乞休增秩以江

西參議致仕琮在處州彭澤方撫浙屬其邑子為尉者殊不

法琮按斥不貸彭反益賢琮其以郡貳進藩叅彭為吏部有

力焉人兩賢之有戴縉者與琮同年同御史其後為權璫所

引琮遂與絕他日入都縉為刑部尚書數過琮避不與見既

歸益自嚴重郡守慕其名強與宴醉偶謾語琮恚曰吾本不

見時人無事輕出乃為後生所侮拂衣竟出自是雖周親密

友無能窺其面者年七十九卒文徵明傳參名賢小紀

吳寬字原博長洲人以文行有聲諸生開成化八年會試廷試

皆第一授修撰侍孝宗東宮秩滿進右諭德孝宗卽位以舊

學遷左庶子預修憲宗實錄進少詹事兼侍讀學士弘治八

年擢吏部右侍郎丁繼母憂吏部員缺命虛位待之服滿還任轉左改掌詹事府入東閣專典誥敕仍侍武宗東宮宮監多不欲太子近儒臣數移事閒講讀寬率其僚上疏曰東宮講學寒暑風雨則止朔望令節則止一年不過數月一月不過數日一日不過數刻是進講之時少輟講之時多也豈容復以他事妨誦讀古人八歲就傅卽居宿於外欲離近習親正人耳庶民且然矧太子天下本哉帝嘉納之十六年進禮部尚書餘如故先是孝莊錢太后崩廷議孝肅周太后萬歲後竝葬裕陵祔睿廟禮皆如嫡至是孝肅崩將祔廟帝終以竝祔爲疑下禮官集議寬言魯頌闕宮春秋考仲子之宮皆

別廟漢唐亦然會大臣亦多主別廟帝乃從之時詞臣望重者寬爲最謝遷次之遷旣入閣嘗爲劉健言欲引寬共政健固不從他日又曰吳公科第年齒聞望皆先於遷遷實自媿豈有私於吳公邪及遷引退舉寬自代亦不果用中外皆爲之惜而寬甚安之曰吾初望不及此也年七十數引疾輒慰留竟卒於官贈太子太保謚文定授長子奭中書舍人補次子奭國子生異數也寬行履高潔不爲激矯而自守以正於書無不讀詩文有典則兼工書法有田數頃常以周親故之貧者友人賀恩疾遷至邸旦夕視之恩死爲衣素一月明史文林字宗儒其先出湖廣武胄祖惠始家長洲父洪字公大成

化乙酉舉於鄉屢試不第以會試副榜授涑水教諭三載致仕歸卒洪嘗求葬地術者指一舊冢曰得此必世貴其家亦願遷以售之洪斥不用林以成化壬辰登進士授永嘉知縣英敏果斷每聽訟縱人環觀剖決神異輒傳為故事市舶太監兄弟鴟張為民患以計擒禁之卒瘞死通水利毀淫祠丈量漏落地以足糧額邑大治父喪歸補博平陞南京太僕寺丞馬政久弛吏驕不奉法林奏案其罪不少貸上馬策三篇兵部議行之會病乞歸凡六年溫人以前永嘉之政思得林甚卽家起為溫州知府既至首釋繫徒千人郡多盜訟俗尚鬼好溺女林悉為科條處分又作俗範訓其民民益敬事

無敢欺而林竟以病不起林學該博以經濟自負遇事敢言在博平疏論德府莊田宜付有司徵納上報可在溫州連上七疏皆賦役章程一疏以災異自劾求退而論鎮守剝民尤

切又因入覲進聖政十事惜不竟其所施

姑蘇志楊循吉誌
王志堅稿合纂

徐源字仲山居長洲之瓜涇成化十一年進士授工部主事改兵部歷職方員外郎武選郎中絕權貴請囑時天下武功爵幾二十萬坐耗不貲源奏罷不當襲者冗濫一清出為廣東叅政方勦雲桂猺源督餉有功遷浙江右布政湖廣左布政弘治十四年擢右副都御史巡撫山東歲飢與侍郎何鑑分行賑濟割臨清米八萬餘石補漕額明年將徵償源奏民方

賴賑稍蘇而又遠徵與不賑何異詔悉蠲之已致仕歸源少
事母孝母病日朝夕餽之不少倦積二年復明詩文博雅有

瓜涇集書法米氏

王鏊誌黃魯曾吳中往哲記合纂

劉杲字世熙長洲人成化乙未進士授南京禮部主事轉刑部
員外郎歷四川按察司僉事湖廣副使貴州按察使陝西右
布政使轉江西左布政使尋乞致仕進右副都御史歸正德
八年卒於家杲所至皆有聲其在湖廣朝廷用言官計括流
民議遣戍邊所在洵洵杲亟白當道驗其文引久近生業有
無以為去留其恣肆者始案以法民心乃安為布政入覲時
逆瑾脅諸藩臬邀重賄杲獨斷斷不可人至今稱之

獻徵錄

陳璠字玉汝家陳湖成化戊戌進士選庶吉士時吳寬在翰林
璠初與同硯席遂屈已師之為古文詞不屑尋常熟爛語授
兵科給事中歷刑科左妖僧繼曉既就逮法司擬以常刑璠
與同官暴其罪遂伏法妖人王良惑眾通鹵奏令撫臣禁絕
因請重天下社學以端蒙養則邪慝不興有中人擊尚寶官
於朝劾之俱坐黜彭城伯張信為幸臣所誣璠辨其非又劾
寧陽侯陳輔諸不法事奪其爵歷大理寺左右丞左右少卿
南京左僉都御史召還理院事周府莊田與屯田相錯互爭
不決璠往勘歸之府人多非之璠著屯田十二難以辨遷南
京左副都御史兼管操江劇賊施天泰等擾海上璠引兵會

巡撫魏紳不即捕滅第誘降其首而黨復熾為言者所論遂

致仕家居不一年卒

明實錄參
王鏊誌

蔣廷貴字大用長洲人宋侍郎堂之後成化戊戌進士知樂亭

縣為政以惠愛為先歲祲役煩請寬其賦六七建州役興守

以廷貴才委之督諸縣調輕重事無不舉以勞瘁卒於官其

少時嘗為諸姬所擁遑遽絕裾去故見謂介子壽有異質早

卒

王志堅
府志稿

朱顯字景南長洲人父歿廬墓有馴鳥之異成化十一年旌表

孝行之門

姑蘇
志

沈周字啟南長洲人祖澄見前伯父貞吉父恒吉並抗隱搆有竹

居兄弟讀書其中工詩善畫臧獲亦解文墨邑人陳孟賢者

陳五經繼之子也周少從之游得其指授年十一游南都作

百韻詩上巡撫侍郎崔恭面試鳳凰臺賦援筆立就恭大嗟

異及長書無所不覽文摹左氏詩擬白居易蘇軾陸游字仿

黃庭堅並為世所愛重尤工於畫評者謂明世第一郡守欲

薦周賢良周筮易得遜之九五遂決意隱遁所居有水竹亭

館之勝圖書鼎彝充牣錯列四方名士過從無虛日風流文

采照映一時奉親至孝父歿或勸之仕對曰若不知母氏以

我為命邪奈何離膝下居恒厭入城市於郭外置行窩有事

一造之晚年匿跡惟恐不深先後巡撫王恕彭禮咸禮敬之

欲留幕下以母老辭有郡守徵畫工繪屋壁里人疾周者入其姓名遂被攝或勸周謁貴游以免周曰往役義也謁貴游不更辱乎卒供役而還已而守入覲銓曹問曰沈先生無恙乎守不知所對漫應曰無恙見內閣李東陽曰沈先生有牘乎守益愕復漫應曰有而未至守出倉皇謁侍郎吳寬問沈先生何人寬備言其狀詢左右乃畫壁生也比還謁周舍再拜引咎索飯飯之而去周以母故終身不遠游母年九十九而終周亦八十矣又三年以正德四年卒

明史

戴冠字章甫長洲人博學多識刻意為古文辭負氣矜伉無所推與王恕撫吳時重之後以貢至京恕適掌銓冠列上十事多所規切授山陰訓導考論著述不少怠初冠為諸生紹興有為御史督學南畿者以文學自負冠嘗有所指摘御史銜之欲論黜而不果至是邂逅有言不相下他日其人病死其家誣冠以為恚而死也遂歸卒年七十一所著濯纓亭集等書不盡傳然亦甚迂腐

王志堅府志稿

沈林字材美成化辛丑進士除晉州知州有善政時年未三十民呼小沈公擢南京刑部員外郎歷郎中出為順慶知府初至謁鎮守見其無禮不顧而出詢風俗清告許重建府學興文教遷雲南參政或傳安南舉兵將內向遠近懼攘林曰我無釁彼何得內侵已而訖無事入賀京師忤劉瑾落職瑾誅

起為廣西左布政使尋擢右副都御史巡撫貴州平鎮算銅
 仁烏羅諸叛苗丁父艱歸服闋起撫山東以疾致仕初林在
 順慶以郡無城方鑿石量工會遷去後守至遂城之未幾藍
 廖二寇亂蜀中所過殘破惟順慶以有城不能入民德之為
 立生祠

王鏊誌

浦應祥字有徵為諸生有文譽成化丁酉舉於鄉歷高州同知

王鏊修姑蘇志應祥多所撰述

舊府志

朱存理字性甫長洲人少學制科謝去從杜瓊先生游自少至
 老未嘗一日忘學居恒無他過從惟聞人有異書必從訪求
 以必得為志手自繕錄前輩詩文積百餘家他所纂集若鐵

網珊瑚野航漫錄經子鈎元吳郡獻徵錄名物寓言鶴岑隨
 筆又數百卷既老不厭而精力不加又坐貧無以自資其書
 旋亦散去每撫之歎息卒於正德間年七十所著野航詩集
 楊循吉敘之今不傳同里朱凱字堯民與存理齊名文徵明
 誌存理墓曰兩人皆不仕又不隨俗為屢井小人之事日惟
 挾冊呻吟求昔人理言遺事而識之對客舉似如引繩貫珠
 纒纒不能休素皆高貲悉費以資其好不惜也成化弘治間
 其名奕奕於郡城之東人稱兩朱先生正德壬申堯民死明
 年性甫死自兩人死吳中故實無所考凱集不傳有句曲記
 游詩一卷徵明又言吳有閭起山秀卿者家惟一僮日走從

人家借書手抄口吟日夜不休所獲學俸盡費為書資家貧不能炊質衣以食而翫其書不忍棄竟以積勞得疾死死朝

詩集

邢參字麗文或云卽量之族孫也為人沈靜有醜藉固而不陋嘉遯城市貧無恒業惟教授鄉里以著述自娛無所干請雖朋友之門亦不輕過客至或無茗椀薪火斷則冷食嘗遇大雪累日囊無粟諸人往視之方苦吟誦所得佳句絕無慘慄色又連日雨復往視屋三角已墊怡然執書坐一角不滲者

早歲喪妻遂不再娶優游以終

姑蘇名賢小紀 列朝詩集合纂

王綺字元禹號葦菴家世力農吳人因其所居稱荻扁王氏綺

幼孤母滕氏守節以教及長益好學徧覽經傳百氏尤熟於史性剛直對客談辨輒觸忤人有所見聞卽筆之不顧忌諱號寓園雜記所居臨湖彌望皆田堂宇靜深閒以嘉樹客至必欵曲或扁舟出沒烟汀渚月閒賦詩寄興事母四十年未嘗一日去左右卒年六十八

吳寬表

趙同魯字與哲友泰孫偉軀幹志氣高邁涉獵羣書下筆輒數千言喜論當世事急人之難有裘巡檢者誣民為盜同魯諭之百方不聽乃曰若解盜將安之於縣於府於院我必隨之裘乃止御史王某理軍籍吳下煅煉齊民以足其數同魯爭之曰軍以衛民也今誣民為軍軍足民亡何益王為霽威每

遇饑歲則預陳拯濟方於郡邑有司辛丑大饑為書上巡撫王恕言宋元時蘇郡歲入止三十四萬九千斛至國朝乃至二百六十二萬五千九百地昔之地也何加多如是今積雨為害吳幾為沼而徵科不止民其若之何恕賞其文許減稅且欲薦之不果年八十一卒

王鏊墓表

沈杰字良臣長洲人成化甲辰進士除歸德知州州當黃河之衝隨築隨決杰相度地形於城外五里許建長堤捍水樹以榆柳又開白柳等河河水由之入淮睢民始免墊溺歲饑民流作粥以飼老弱少壯再給行糧使歸耕仍給以子粒牛具戶口日增鄰邑有訟久不決立為剖析稍遷右軍都督府經

歷知南雄府以憂不赴後補衢州衢多水田雨則溢晴則曠杰大興水利濬陂池修堰闢民田得灌溉而城中無漂溢之患孔氏嫡孫儕於齊民杰始命復其家疏於朝得世襲五經博士擢山西左參政進河南右布政使再以憂歸逆瑾亂政坐罰米二千六百石言官有不協者因疏以老疾杰不辨遂卧不起年七十一卒

蘇郡學志

蔡昂字惟中本姓顧其曾祖少孤從母適蔡遂襲蔡姓昂少孤貧通經學尤精法律成化甲辰以諸生貢入南雍尋歷南大理寺有盜發牛首山麓秦檜墓捕得法司議大辟昂獨建議檜罪通於天今墓被盜發殆天降之罰耳請從未減寺卿避

之昂由此知名以明法除九江府推官多雪冤獄久之謝歸於宅西種蔬自給自稱西圃老翁嘗創修郡學志四卷以姑蘇志尚有牴牾作補遺以貽王鏊雖老著述不倦卒年八十

八

黃省
會誌

陸完字全卿長洲人成化二十三年進士爲御史有聲正德初歷江西按察使寧王宸濠雅重之時召預曲宴以金罍爲贈擢僉都御史拜兵部侍郎霸州賊劉六劉七等起奉楊虎爲首惠安伯張偉右都御史馬中錫師出無功詔完兼右僉都御史提督軍務統京營宣府延綏軍討之副總兵許泰游擊邵永等敗楊虎等於霸州指揮賀永等再敗賊信安副總兵

馮楨復大敗之阜城賊解而南陷山東縣二十楊虎兵北殘威縣新河完請濟師益發遼東山西諸鎮兵逐賊賊南圍濟寧轉寇曹州楨泰永擊斬二千餘人獲其魁朱諒錄功進右都御史中官谷大用張忠意賊旦暮平乃自請督師詔以大用總督軍務伏羌伯毛銳充總兵官忠監神鎗統京軍五千人會完討賊時劉六等縱橫沂莒閒而楊虎陷宿遷靈璧及歸德州縣邊兵追賊至小黃河渡口百戶夏時設伏蹙之虎溺死餘賊奔河南推劉惠爲首大敗副總兵白玉軍攻陷沈邱鹿邑有陳翰者與甯龍謀奉惠爲奉天征討大元帥趙鏐副之翰自爲元帥府長史與龍立東西二廠治事分其軍爲

二十八營以應列宿營各置都督聚衆至十三萬欲牽制官軍於是惠鏐擾河南劉六及齊彥名等擾山東黨分爲二已而六復轉而北還趨霸州帝急召完赴援完擊破之文安賊南至湯陰完又督諸將追敗之明年正月六等復突霸州京師戒嚴廷議召大用銳還別命都御史彭澤同咸寧伯仇鉞辦河南賊以畿輔山東賊委完完遣永追敗劉六於宋家莊賊南犯滕縣副總兵劉暉大敗之賊遂奔登萊海套完師次平度檄永玉與遊擊溫恭三道進攻皆大敗之會河南賊已平劉六等勢益衰遂走湖廣至漢口爲指揮滿弼等追及劉六中流矢赴水死劉七齊彥名率五百人舟行自黃州順流

抵鎮江南京告急完疾趨而南帝命彭澤仇鉞會完軍進勦賊抵通州颶風大作棄舟走保狼山完夜導軍登山蹙之彥名中槍死七中矢亦赴水死餘賊盡平還朝進完太子少保左都御史廕子錦衣世百戶明年代何鑑爲兵部尚書完有才智急功名善交權勢劉暉許泰江彬皆其部將後並寵倖用事完遂得其力時宸濠已萌異志聞完爲兵部致書盛陳舊好欲復護衛及屯田完荅書令以祖制爲辭宸濠遂遣人輦金帛鉅萬徧遺用事貴人屬錢寧爲內主比奏下完遂爲覆請上並與之舉朝譁然十年改吏部尚書宸濠反就執中官張永至南昌搜其籍得完平日交通事上之帝大怒執完

收其母妻子女將寘極刑值武宗崩世宗立廷臣覆讞以平

賊功在八議之列得減死戍福建靖海衛

明史 按完交通宸濠敗於末路人

固無足取然其平賊之功自不可沒王志堅稿不為立傳舊府志太畧今悉仍明史

周詔字希正長洲人父泰字景通正統戊午舉人知樂會縣海

寇竊發泰鳩集武勇觸冒炎瘴賊賴以平而泰竟疽發背歿

縣民奔走號泣爭願出地為葬泰妻樓奉遺骸歸眾乃斂衣

冠聚土為冢歲時祀之詔舉成化庚子鄉試授嘉祥教諭九

載考績入京睿宗之國選為伴讀遷紀善詔以國事草創宜

有典則以垂後世乃本祖訓及中庸九經之旨為書萬言以

進多見採納丁內艱服闋睿宗為請仍舊職食長史俸詔感

知遇因事納忠言多切直睿宗喜榜書君子懷德及諸詩賜

之迨事世宗每進講古義附時事為勸上為悚聽及入嗣大

統擢少詹事兼侍讀尋以病辭不允進太常卿是冬卒年八

十贈禮部侍郎廕其子孫

王志堅府志稿

文森字宗嚴林異母弟成化丁未進士授慶雲知縣歲大旱上

疏乞免田租戶部以無撫按奏不報再疏語加切卒免其半

一切力役皆以民饑力爭於上官得減境故高舊無渠堰民

視雨澤以田遇旱則束手待槁森教民鑿塘蓄水以備旱滄

州每役縣民民苦之森曰縣雖隸州然各有分土州安得擾

縣民白於監司罷之內艱歸復補鄆城縣縣有德府莊田官

校因而虐民森言於監司為征取貯縣俾官校自取民得無
 擾慶雲與鄆皆多盜森所至置民兵分曹巡捕而高其賞格
 盜發境內無脫者召拜御史會吏部尚書缺大臣有夤緣求
 進者森疏論之因舉劉大夏周經或以為非所宜言下詔獄
 上知其直答而不問正德中逆瑾用事例致仕瑾誅起故官
 陞南京太僕少卿十一年擢右僉都御史巡撫南贛以疾乞
 休兵部尚書王瓊劾其託疾罷歸又十餘年而卒

王志堅
府志稿



蘇州府志卷第五十五

終

文化乙丑

